

# *KUBONAHALISA LINZWI LA HAE*

 Halu inamiseñi litoho za luna fa nako nyana. Ndate Yomunde wa Lihalimu, lu itumezi kuli luteñi mo busihu bwa kacenu. Luna, lu itumezi kakuli luziba kuli Pata ya Hao iteñi mo hamoho ni luna. Cwale lu lapela kuli U ambole ku mañi ni mañi wa luna, ka mo lutokwela. Lwa kupa ka Libizo la Jesu. Amen. (Ha muine.)

Ku utwahala fela hande kuba ni ma maikulofoni abeleka hande cwana. Ne ni swabile hahulu maabani ka ku sinya lani, mi neli Liñusa lene Ni bata kuli mu li utwe hande ka nama yebutuku.

<sup>2</sup> Mi ne Ni bata kuli mubone hande zeo. Yani ki—ki ankora ye lunani. Ha lu si ka tamahana kwa keleke. Lu tamahani hande ku Kreste, mwa bona. Yena kona fela Nzila ona yeo. Ki yena anosi fela sibaka sa maipato, sibaka sinosi fela mo Mulimu akile abeya Libizo la Hae. Mi Mulimu naize kuli Uka kopana ni sicaba mwa sibaka sa Na ketile kubeya Libizo la Hae; isiñi mwa munyako ufi kaufela, kono mwa munyako mo Na ketile. Mi ona mwa sibaka sani U kopana ni sicaba, mi kona ona mwani fela kihona. Mi lu fumana kuli Mulimu na si ka beya Libizo la Hae kusili konji ku Mwana Hae, Jesu Kreste, sina mwana hanga libizo la ndate ka nako kaufela.

Mi cwale muli, “Kihande, seo si tamahana ni sikamañi kacenu? Mañi ni mañi uli, ‘Ni inzi ku Jesu.’”

<sup>3</sup> Ki yena Linzwi. Kuli, “Kwa simuluho nekuna ni Linzwi, mi Linzwi nali ku Mulimu, mi Linzwi ne li Mulimu. Linzwi a ezwa nama mi a to yaha ku luna.” Hape, ku ñozwi mane mwa Sinulo kauhanyo ya 19, ha lu Mu bona inza taha, yena Munyaliwa ni Munyali, Sapalo sa hae ne si cimbekilwe mwa Mali, “Libizo la Hae ne li bizwa kuli ‘Linzwi la Mulimu.’” Ki yena Linzwi la Mulimu.

<sup>4</sup> Mi, sani kikuli, ki Yena mata atisa kwa bupilo. Ki yena Moya o Kenile ki yena, ki—ki mata ataha fahalimwa libelekiso, ki Manzwi, a Li fa bupilo. Mi kaufela zona lina ni kubeleka hamoho, kusi cwalo halina ku beleka. Sina ni kunga Bibele kaufela, yena Kreste ka kutala, ili Evangeli yetezi.

<sup>5</sup> Ni bata kubulela cwana, kwa sicaba sene Ni buhile fa mazimumwangala maabani busihu, ka kuziba kuli ne li ka ezahala, mi Na li buha. Ni bata kubulela cwana mizwale ye, bona bene bali fa tafule yani, neli bukwala ni ngana ya butali luli ka kualaba lipuzo! Mi Na ni lwanisanga hahulu lika, mwa ziba, nihakuli cwalo, kono nekusina za ku lwanisa ku zani. Neli za niti luli, mi Ne ni lumelelana ni zona, kusina kunyaza neba hanyinyani. [Kopano ya kambela—Mu.] Ni itumezi. Amen.

Likalabo zani ne li zamaelela hande ni niti. Na luli awa ne ni ikozi. Ni lakaza fela kambe Ni na ni filimu ya ku libuhiwa kwa keleke ya ka kwa lapa. Ne li nto yende luli.

<sup>6</sup> Mi Ni itumela hahulu ka kuziba kuli—kuli Mulimu u ambozi mwa libaka zeñwi, kwanda sikwata sa luna sa Pentekota, mi basweli ku nopa baana, liepu za Mulimu zani, zebile kulo mwani mwa lilimo ze kaufela, ze libelezi kuli Liseli li monyehe kuzona.

<sup>7</sup> Mi hape li lufa temuso, balikani, ka kuziba kuli Jesu naize, “Mwalanjo ya lobezi yo ha kala kutaha ku to leka mafula yona Oli, kiyona nako Munyali fa tahela.” Kuli lubone ka zona, ha lu bona ba Episcopalian, Presbyterian, Methodist, Baptist, Lutheran, ha ba taha kuli ba to leka Oli, mi yani yaba yona nako ya na tile ka uona Munyali. Ha lu hupuleñi cwalo.

<sup>8</sup> Ne ni siyo ni Billy, mwana ke wa mushimani, kuli ani bulelele zeo sina mwa ni bulelezi nako nyana yefitile. Ki hali, “Tate, ha Ni mi bulelelangi sa kueza. Hani talusi ku mitabisa ka sika kaufela, kono,” ali, “tate, kaufela se mueza, mubeye nako yañata kwa sicaba sesikula sani.” Ki hali, “Nali kuba nibone batu babañata hahulu baba kula!” Ali, “Ni file makadi aeza mianda yemibeli fa nako nyana kamba mizuzu cwalo.” Ali, “Kuna ni batu babañata hahulu ba ba kula!” Ha ni bulelelangi cwalo hañata.

<sup>9</sup> Mi cwale Ni tile busihu boo ni tupepa nyana to tuñozwi fa, ni litaba zeñwi ka za katulo ye sa taha, mi ka kuziba kuli lu inzi mo busihu cwana ni buhali bwa Mulimu luli inge bu bila mwatasasi a luna, mi cwanoñu bu ka lu mizeleza. Mi ka kuziba kuli buhali bwa Mulimu bu libelezi; fa nako fela ye bu ka bulelwa, kipeto li ka yonga kaufela, ka bo lule lule. Mi ka kuziba cwalo mwa pilu yaka, ni kuziba kuli ku cwalo! Mi cwale lubona bakuli babañata hahulu, ba sinana ni kuhohana.

<sup>10</sup> Mi Na hupula, “Busihu boo, buñata bwa bona ki Bakreste.” Mi mutuhele ni bulele cwana, mina bana ba Mulimu. Kaufela so eza, u ka tuhela lika zeñwi kaufela li zamaye. U sebeleze Mulimu, musihali ni busihu, ka pilu ya hao kaufela. Wena, wa kona ku ikutwa kuli kuna ni se si fosahala. Wa kona ku li bulela ha u zamaya mwa mikwakwa, fela una . . . ni kaufela ko uya. Wa ziba, haiba u wa moyo; mi Ni ziba kuli mu ba moyo.

<sup>11</sup> Mi Ne ni sweli kuikambota ni muuna, Muzwale Stromei. Ha ni zibi haiba Tony uteni mo, kamba nyaa. Yena, na li . . . [Muzwale u li, “Tony Salameh?”—Mu.] Tony Salameh, Salameh, Salameh? Batili. Ni ngile Tony usili. [Muzwale wa bulela.] Batili, yo ki Tony usili. Yo ki Tony wa—wa—wa kwa Tucson. Kiyena mañi libizo? [Yomuñwi uli, “Stromei.”] Stromei! Na ziba ki Salameh, Stromei, kamba yomuñwi. Ni nani yeo . . .

<sup>12</sup> Mwa sintolo sa hae, zazi leliñwi, neku na ni muuna yana tile mwateni, neli ya komokisa hahulu, na bulela nto yeñwi yene ni hupulisize nto yeñwi, hane Ni . . . nako yefelile hane Nili mwa—mwa India.

<sup>13</sup> Koo, Ni sepa kuli Mulena na lufile nyangela yetuna hahulu ku be lukile lwaba ni bona ka nako iliñwi, neli mwa Bombay. Ne lu si ka fumana neba libaka kwa ku ba beya, mashumi a likiti kitii za batu.

<sup>14</sup> Mi lu si ka fita kale kwani, nekuna ni pampili ya mutende yene tolokilwe. Kihande, neli cwalo, India ki naha yebulela mishobo yemibeli, ne li—ne li mutende wa mwa Sikuwa. Mi ali, “Kihande, zikinyeho ya lifasi ilukela kufela, linyunywani lisweli kufufela kwa mandu a zona mwa liyaleto zazona.”

<sup>15</sup> Mazazi nyana ku si kaba kale zikinyeho ya lifasi, ye ne bulumuzi makwakwa ni lika zeñwi. Linyunywani zenyinyani za ipumanela maipato mwa macwe, ni kuyaha liyaleto zazona; mi mwa musihali kamba ka hola ya musihali, lizazi ha se li cisa luli, lifolofolo kaufela za yema mwa matuko a limota lani, kuli likene mwa muluti. Mi ka mazazi amabeli, linyunywani zaina fande mwa likota, ne li sa tahi kwa liyaleto za zona; ni mazazi amabeli, lifolofolo, lingu ni likomu, ne li za tahi fa kaufi musihali wani, kamba ku to yendamena kwa mamota ani. Neli—neli pilile mwa masimu ni kuyendamena ku yeñwi ni yeñwi, kwa muluti.

<sup>16</sup> Mi ka nako iliñwi fela, zikinyeho ya lifasi, yene nyungile fela mamota ni ku wiseza miyahofafasi. Mi, nikubona, haiba linyunywani zenyinyani zani neli liteni mwani, ne li ka shwa. Haiba likomu ne liyemi mwatasi mwani, ni lingu, ne li ka shwa. Mulimu na lemusa ze bupilwe!

<sup>17</sup> Mazazi nyana afitile, kwani kwa sintolo sa Muzwale Tony, Ne ni teeleza ku muuna yana bulela kuli... Mi zikinyeho ya lifasi ye ha i to ezahala mwa Alaska, na sweli kuyamba mo lubiza kuli Stony Point, kwa Mexico. Mi ki hali, “Linyunywani halina kuca, ni litapi nelisike kuca. Nekuna ni se si fosahalile. Mi, hañi hañi fela, zikinyeho ya tibuluha.”

<sup>18</sup> Mi zazi leliñwi, zeo ha liezahala mwa India, kamba neli kai kwani, a bulela kuli na i lo yamba hape. A hupula kuli, “Kihande, kinto yenca. Litapi zani li canga ka yona nako ye. Hakuna lico mwa mezi, kai kamba kai. Mezi a kuzize fela, nako ye petehile kuli tapi li ce, kono ne li si sa ci. Mi linyunywani kaufela zeli kwande kwani, bo nalukapwa, inge ba inopela fela litapi ni lika zeñwi, kaufela ne lizayama fela fa likamba, inge li i kamaela ku yeñwi ni yeñwi. Mwa mizuzu yelikani, liwate la pikuluha kuzwa kwatasi akala kutaha ona *cwalo*, zikinyeho ya lifasi ne i ezahalile kwa buse bwa lifasi.” Mwabona, litapi zani ne li ziba kuli nekuna ni sene si fosahalile, sesiñwi ne si li bukaufi ni ku ezahala. Linyunywani zani ne li zibile zeswana.

<sup>19</sup> Kaniti, haiba Mulimu ufa tapi ni nyunywani temuho, kana U kafa cwani bana ba—ba Hae! Lu ziba kuli lu kwa nako ya maungulo, mi katulo i libelezi, kacwalo ha lubeñi ka likute luli. Mu sabele ku Mulimu ka lipilu za mina kaufela! “O Kapernauma, wena ya ipahamisa kwa lihalimu, uka tibiswa

mwa lihele,” mi kacenu u inzi mwatasa mumbeta wa mezi. Muhupule fela, ni kulapela.

<sup>20</sup> Cwale, busihu boo, Ni bata kubala sibaka mo mwa Mañolo, ka mizuzu fela yelikani. Lu ka lapelela bakuli. Billy ubulezi kuli ufile makadi a litapelo. Mi na file amañwi maabani, mi ha ne Ni si ka fita ku yomuñwi wa bona maabani busihu. Mi Na komoka, fani Moya o Kenile ha utaha... Fela ki... Ha mukoni fela ku Likonisa kubeleka. Kuswana fela inge ka sipi nyana, ha u kena mwa giya. Ki mina ba basweli kubeleka ka Moya o Kenile wani, ha ki na. Mu eza cwalo mina kasibili. Kacwalo Na, maabani busihu, Ne ni lemuhile neha mwa litemuho, ne li sa nongani ni sicaba fela hande. Ne ba sa bonahali kuli ba li amuhela. Ni li fumani cwalo, mo nako nyana, ne kubonahala cwalo, hahulu kamba ka kuswana mane, hane Ni ambola fela, inge ni beya mazoho fa bakuli, ba ziba.

<sup>21</sup> Lu swanela kulemuha kuli ku luna ku filwe, luna baba lumela ku Jesu Kreste mi lu pepilwe ka Moya wa Hae ni kutazwa ka mata a tisa kwa bupilo ani, ona mata ali ku mina. Ka kubeya mazoho, ku babañwi, sina balutiwa mo ne ba ezelize ni kushetumuka mwahala lusika, Ne i folisize bakuli, na zusize bafu, Na bonisize lipono, sиполofита. Mi ona Moya o swana ono pila mwahala ba apositola ba makalelo u pila ni mwa keleke kacenu, kubeleka lika ze swana luli. Mi kapili fela mo lukona ku lemuhela zeo! Mwabona, hakuna taba kamba li beleka cwani, mu lukela kulemuha cwalo ni kulumela sani. Ha lina kueza bunde ni bobukana, konji ha u lumela cwalo. Kono nako yo lumela cwalo, matata a hao afelile. Yeo ki niti.

<sup>22</sup> Cwale ha lu apuleñi mwa Mañolo. Ne ni inzi fande fani, linako nyana zefelile, na ñola Mañolo nyana, kuli ni cince tuto yaka ya busihu bo. Mi Ni bata kubala amañwi kuzwa mwa Linzwi la Mulimu, kuzwa mwa Buka ya Muñoli Luka, kauhanyo yabu 8, kukalela fa timana ya 40. Amu teeletee cwale, Ni ka bala yetelele luli.

*Mi kwaba, kuli, Jesu ha kutile, a amuhelwa ki buñata  
ka tabo: kakuli ne ba mu libelela.*

Hanili wo ki mubonelo o munde mwa sikuwata se busihu cwana?

*Mi, amubone, kwa taha muuna ya bizwa Jairusi, yeli  
mubusisi wa sinagoge: mi awela fa mautu a Jesu, a mu  
lapela kuli a yo kena mwa ndu ya hae:*

*Kakuli na nani fela mwana alimuñwi wa musizana,  
wa myaha ye lishumi ka yemibeli, mi nali fakaufi ni  
kushwa. Kono ha zamaya a sinaniswa ki sicaba.*

*Mi musali yana kula butuku bwa mweya i se li myaha  
ye lishumi ka yemibeli, ya na sa sinyehezwi ki tutu ya  
hae kaufela, mane na si ka konwa kufoliswa ki mutu,*

*A mu tahela kwa mulaho, mi aswala kwa mungundo wa kubo ya hae: mi kapili a fola mweya wa hae.*

*Mi Jesu ali, Ki mañi ya ni sweli? Mi kaufela ba itatula, Pitrosi ni babañwi bali, Muluti, buñata bwa ku sinanisa bu pitihani, kono u bulele kuli, Kimañi ya ni sweli?*

*. . . Jesu ali, Kuna ni ya ni sweli: kakuli Ni lemuhile kuli mata amañwi azwile ku na.*

*Mi musali ha bona kuli hakoni kuipata, ataha inza tutumela, a mu kubamela, mi a bulelela fapila sicaba kaufela sa na mu swalezi, ni mwa na folezi kapili pili.*

*Mi ali ku yena, Mwana ka, ikete: tumelo ya hao i ku folisize; zamaya ka kozo.*

*Mi ha na . . . sa bulela, ha ku fita yomuñwi yazwa mwa ndu ya mibusisi wa sinagoge, ali ku yena, Mwana hao wa musizana u shwile; u si ke wa kataza Muluti.*

*Kono cwale Jesu a utwa cwalo, a mu alaba, ali, U si ke wa saba: ulumele fela, mi uka foliswa.*

*Cwale ha ba fitile mwa ndu, ha si ka lumelela mutu ku kena ni yena, haisi Pitrosi, . . . Jakobo, ni Joani, ni ndatahe ni mahe wa musizana.*

*Mi kaufela ne ba tumusize sililo, . . . ku mu lila: mi ki hali, Musike mwa lila; ha si ka shwa, kono u lobezi.*

*Mi ba mu seha ka lisheha, inza ba ziba kuli na shwile.*

*Kono a ba lelekela fande kaufela, ki ha muswala kwa lizoho, ni kubiza musizana, ali, Musizana, zuha.*

*Mi moyo wa hae ki ha ukutela kuyena hape, mi a zuha kapili: mi a laela kuli ba mu fe sa kuca.*

*Mi bashemi ba hae ne ba komokile: kono a ba laela kuli basike ba bulelela mutu ze ezahalile.*

<sup>23</sup> Cwale ha lu lapeleñi. Ndate yomunde yakwa Lihalimu, halunze lubala Linzwi le, luziba kuli yeo ki niti. Se ne si ezahalile. Ha ki likande fela la litangu le lukona kubalanga mwendi mwa mutende kamba buka ya za buhata, kono ye i zwile mwa Buka ye lu ziba kuli ki Linzwi la Mulimu. Lwa lumela ne li ezahalile. Lu lumela kuli Jesu yo yana ezize taba ye ipitezi ye, linako zepeli fa, ya musali yana ni butata bwa mweya, ni mwana ya na shwile, lu lumela kuli Ki Mwana Mulimu, yoo Mulimu u Mu zusize kwa bafu mi u Mu tisize ku luna, busihu boo, ku mutu wa Moya o Kenile.

<sup>24</sup> Mi lu lumela kuli U teni mo ni luna busihu bwa kacenu. Ni kulumela kuli Yena wa swana maabani, kacenu, ni kuyakuile, sishemo sa Hae si fita kwa sicaba kaufela. Mi sina sicaba ha si Mu bata, linepo zeswana ze ne filwe mwa lizazi lani li ka fiwa ka lizazi la kacenu. Lumeleza cwalo hape, Ndate, kuli lube ni tozo yenca. Sina Muzwale Shakarian ha buzize ka kusepahala,

fa nako nyana yefitile, ni ku kupa sicaba kuli si lumele, lu kupa hape ka Libizo la Jesu Kreste. Amen.

<sup>25</sup> Ni bata kumbola fa nako yelikani fela, mi yeo ikaba fela nako yelikani, kakuli Ni bata kunga batu bani hamoho ni makadi a litapelo kwanu ni ku ba lapelela. Ni kutuhela taba isili fela kono ni lapelele fela bakuli. Kono lu si ka lapelela kale bakuli, lu lukela kubeya sicaba kuba mwa mubonelo o cwalo. Ki mubonelo otisa linepo kamita. Ki mubonelo o ya ku Mulimu ka ona.

<sup>26</sup> Ki yo fa musali yana sweli kwa mungundo wa sapalo sa Hae, na folisizwe, kwa butata bwa mwuya. Musole na Mu kwezi mati kwa sifateho sa ni kubeya kuwani ya miutwa kwa toho ya Hae, mi a tokwa ku utwa mata.

<sup>27</sup> Ki mubulelelo wa hao. Mubonelo kona o lwala lika. Mi seo kona mo si inezi busihu bwa kacenu, mulikani yomunde, si lwala mubonelo. Luna fa, lu lumela kuli kale kale, lu Fapila Jesu Kreste, kono ki mubonelo wa hao kona otisa linepo. Libelekiso liteñi kize, mane ni ona mata ateñi. Haiba ukona ku kalisa fela, Mulimu uka eza ze siyezi.

<sup>28</sup> Cwale, tuto ye Ni bata kubulela ka yona ye, fa nako nyana fela, kikuli: *Kubonahalisa Linzwi la Hae*. Cwale yeo ki nto yetuna, ka kunahana cwalo: *Kubonahalisa Linzwi la Hae*.

<sup>29</sup> Cwale Mulimu wakona ku bonahalisa fela Linzwi la Hae, busihu boo, sina mwa bezi A ezeza Li bonahalisanga. Mi ni Bibebe hape iize, “Munyake lika kaufela. Mu kumalele ku zende.”

<sup>30</sup> Cwale mu utwile, hakuna kukakanya, ki lishitanguti la kale, “Bonisa cwalo, Ni ka lumela.” Kono seo ha ki sa niti. Linako zeñata Ni boni lika ze boniswa, ze ne bonahalizwe niheba ka sayansi mane, kono niteñi sicaba ne si sa li lumeli mane.

<sup>31</sup> Ne ni sweli kuambola ni muuna, kwanu ha ki kale hahulu. Ne lu ambola za foliso ya Bumulimu. Ki hali, “Ha ni lumeli cwalo. Hanina taba ka ze kona kuezahala, kuli ukona kubonisa bupaki bo bu kuma kai bwateni, Niteni ha ni na ku lumela.” Kihande, kaniti, hakuna taba ka so kona kuezaza muuna yani, u—u latehile. Hakoni kulumela. Hakuna sika ku yena, sa kulumela.

<sup>32</sup> Ne ni bile fela ni—ni kutwisiso yenyinyani fa, mwendi biki yefelile, sina kaufela mina ha muziba kuli Na—Na zumanga. Mi ha Ni yo kuta kwa mukopano waka, Ne ni sweli kuzuma litau. Mi kasamulaho Ni ma no ya kwa Arizona, ki kokunde, Ni tabelia kuzumanga lifolofolo zetuna, mi Na lata kuzwelanga kwande ku yo buha ze bupilwe.

<sup>33</sup> Cwale, Ha ni sibulai. Na ni zumanga fela. Kacwalo, Ha—Ha ni latangi kusinya sinya lifolofolo, Ha—Ha ni sepi kuli kinto yende. Ni sepa kuli ki sibi ku no bulayanga fela lifolofolo, ha u sa itusisi zona ka swanelo, inge mo kukona kubela kubulaya sika kaufela. Ki nto ye maswe. Ha lu swaneli kuezanga cwalo.

Mulimu u lufile zona kuli ibe lico ni tuso, mi halu lukeli ku li sinya sinya. Kono cwale se u bulela mulao kuli wa kona kunga, si lukile. Fela musike mwa singa sinya.

<sup>34</sup> Mi Ne nili kulo kwani, nako ya kwani ki ya lika kaufela. Litau li bulayanga hahulu likomu. Mi Ni ziba bauti babañata ba likomu mwa neku lani. Mi nako kaufela ha ba bulaile, kiñi, ba ni bizanga, tau ha i fita mwahala lingu. Mulikana ka yomuñwi cwana, busihu bobuñwi, na latehisize mwendi ma dollar alikana seti-faifi handeleti, mwa busihu bulibuñwi, ka tau iliñwi ye ne bulaile lingunyana fela. Ya kena mwahteni, mi, kakuli, cwale litau zeñwi kaufela li ka utwiswa butuku bakeñisa libi za yona yani. Mi kacwalo Na nga tau, mi kacwalo neli tau yetuna, mi neli yetelele liñokolwa ze naini mwa, mi neina ni bukiti kubata kulikana ni tu-bukana cwalo, kacwalo ne li—ne li tau yende yetuna.

<sup>35</sup> Mi ki ha Ni zwa kwa naha ya Arizona, ku yo punya kwa Utah, kwa ku zuma. Mi kacwalo Na bulelawa kuli nekuna ni sicaba kulo kwani, kuli mutu yo ne Ni ka yo zuma ni yena, neli muswasi wa muuso, “Mi, ka bunde bwateni, musike mwa bulela sika ka za bulapeli, hamuli ni yena.” Ali, “Na li mutu ya buhali maswe.”

Mi se Nili, kihande, Na bulelawa muuna ye ne Ni li ni yena, Na li, “Hanina ku bulela ka zona.”

<sup>36</sup> Ki hali, “U si ke wa bulela kuli ‘mukutazi.’ Haiba ueza cwalo, hauna ku yo zuma. Hakoni kuya ni wena.” Ali, “Ne ni zumile ni yena mazazi amalalu, ni ku lobala ni yena busihu kaufela, kuca ni yena zazi ni zazi, mi na si ka bulela kuli, ‘Ki kakusasana. U zuhile cwani? U bata sa kuca? Tapisa mikeke.’ Hakuna!” Ali, “Cwale usike wa bulela sika ka zona.”

Se nili, “Ha nina kubulela linzwi.” Kacwalo ne Ni si ka mu bulelawa kuli ha Ni koni kulapela, kono Na zwelapili fela ku mu bulelawa kuli Ni . . . Mi Na lapela.

<sup>37</sup> Kacwalo hane lu fitile kwani, muuna yani neli ya tata hahulu, mi ne Ni sa nahami kuli na lumela sika kaufela. Mi na sa tobezwi fela ki mbututu masihu nyana a likani lani lisika fita kale, mbututu yana pepilwe inza shwile. Kacwalo, lwa yo zuma. Mi ka zazi la bubeli, muuna yene Ni zuma ni yena na mu bulelezi, kuli Ni yo zumanga kai ni kai mwa naha. Kacwalo muzumi yomuñwi, ha na li ni na, ha na fundukile, ne luli fahalimu a malundu luli; kone lu matisize fela tau, kufitela lu yo i siyela mwa macwe, mi ya sabela kwahule. Mi kacwalo ne luinzi fami inge lu libelela nja kuli i kute. Mi muuna yo ali kuna, ki hali, “Muzumi yomuñwi, mulikana hao, u ni bulelezi kuli u zumanga kai ni kai. Una ni masheleñi amañata wena?” Ali, “Ni sepa kuli ha ki musebezi wa ka.”

Mi se Nili, “Batili,” Se nili, “ha ki masheleñi amañata.” Se nili, “Na—Na lifelwanga fela.”

Mi ki hali, “Oh, Na bona.” Ki hali, “Kihande, Ni sepa kuli ha ki musebezi waka hape, kono,” ali, “kikuli kuna ni katengo kaka ku tusa?”

Na sweli ku li hoha kuna. Ne ni sepisize kuli ha Ni na kueza cwalo, mwabona. Kacwalo se Nili, ehe, Na li, “Batili, sha. Ni mukutazi, ni mulumiwa.”

Ki hali, “U sikamañi?”

Se nili, “Mulumiwa.” Mi a ayema fela ni ku ni talima fa mizuzu nyana.

Se nili, “Kana una ni sepo ya Bupilo bo bu sa taha? Sepo ya hao ki sikamañi?”

Ki hali, “Ni mu Jack Mormon.”

Mi se Nili, “U sikamañi?”

Ki hali, “Jack Mormon.”

Se nili, “Ki nto mañi yeo?”

Ali, “Yoo ki ya ziba kukonka ni kunwa kofi, ni kuzuba makwai.”

Se nili, “Kihande, buipuleli bo bu sephala ki bobunde kwa moyo.”

<sup>38</sup> Mi cwale ki hali—ki hali, “Ni bata ku kubuza nto yeñwi.” Ki hali, “Ni bulelewwa kuli keleke ya ba Mormon kona fela keleke ya niti yeliteni.” Mi ali, “Kikuli u lumela cwalo?”

<sup>39</sup> Se nili, “Ha li wela ku za keleke, Ni sepa kuli ki yende sina zeñwi kaufela. Ni ziba fela Niti iliñwi, mi yani ki Jesu Kreste.” Se nili, “Na ziba kuli Yena ki wa Niti.”

<sup>40</sup> “Kihande,” ki hali, “Ne ni bile ni mbututu ya pepilwe inza shwile busihu bobuñwi, na pepilwe inza shwile.” Ki hali, “Ni bulelewwa kuli mbututu yo, kakuli na shwile kale, Mulimu na si ka bululela kale moyo wa bupilo ku yona, mane Hanina ku mu bona fateni hape.” Ki hali, “U nahana sikamañi ka seo?”

<sup>41</sup> “Kihande,” Na li, “Ha una ku kupa wa Jack Mormon, kaniti hauna kueza cwalo. Yeo ki nto iliñwi ya niti, hamuna ku ibona haibile fela uina uli Jack Mormon.” Mi ki hali . . . Kihande, na sweli ku ni hapeleza, kacwalo Na mu kutisa kwa mulaho hanyinyani, mwa bona. Ne luna—neluna ni nako ya kukuta kwa mulaho. Kacwalo ki hali—ki hali . . . Se nili, “Ki butata mañi?”

Ki hali, “Oh, ha Ni zibi.” Mi yena ali, “Kihande, u nahana sikamañi?”

Se nili, “Ni ziba hande luli zeñata . . .”

<sup>42</sup> Ne ni sa zibi kuli nali wa Mormon. Mi Ne nili luli . . . Na ziba, ka kuba mwa Utah, luli ne li cwalo, kono Na . . . kakuli buñata bwa sicaba sa kwani ki ba Mormon, bukaufi ni tolopo ya Salt Lake City. Ye ne si tolopo ya Salt Lake City, nihakuli cwalo. Kacwalo Na hupula kuli, “Kihande, Ni bile ni balikani

babande ba Mormon, bene bali mwa mukoloko wa litapelo, batu babande.”

<sup>43</sup> Mi Na li, “Ni katani baan babande luli baba lima—ma Mormon.” Mi ki hali, kihande, ki hali...Se nili, “Ha ni zibi tuto ya bona ka zona, mi ha Ni lati kubulela nto isili yeshutana kwa tuto ya bona, kakuli seo kona so li sona, mi Na kuteka sani hahulu.” Mi se Nili, “Kihande, mi wa lumela cwalo?”

Ki hali, “Eeni, sha, Na lumela. Kono,” ali, “Ha ni pili ka zona.”

<sup>44</sup> Se nili, “Kihande, Ni lumela kuli Bibebe iluta kuli Mulimu na ziba mbututu yani, ma milioni a lilimo kwa mulaho, kusikaba kale mutomo wa lifasi.” Se nili, “Mulimu na bulelezi Jeremia kuli, ‘Mane maho a si ka itwala kale mba ya hao, u si ka zwa kale mwa mba, Ni ku zibile, na ku kenisa, ni ku ku keta kuba mupolofita kwa macaba.’” Se nili, “Kona mwa Na zibela ka zona, mwabona.”

Ki hali, “Kihande,” ki hali, “ni itumezi.”

<sup>45</sup> Akala ku zamaya inza shetumuka fa lilundu. Mi cwale a yo kopana ni muuna yomuñwi yoo, mi ki hali, “Kiñi ha u si ka ni bulelela kuli mucaha yani ki mukutazi?” Mi kacwalo luna... A ambola ni yena fa nako nyana ni kukala ku mu bulelela za mikopano.

<sup>46</sup> Cwale, ma Mormon ba lumela mwa bupolofita. Ha ni... hakulata hakuna niyomukana mo, kono bona—kono bona ba lumela mwa—mwa bupolofita. Kono, kacwalo, mwendi Ni bulela ze si yo mwa sikolo, kono Na... Eehe. Eehe. Kono, nihakuli cwalo, ba lumela.

Mi yena ali, na tilo kutela kuna, ali, “Ni utwisisa kuli u mupolofita.”

Se nili, “Batili, sha.” Se nili, “Ni... Mulena uni bonisize lika ze nyinyani ze ka ezahala.”

<sup>47</sup> Mi ki ha nanuha, kapili, mi ali, “Ha lu kene mwahali.” Mi ki ha kena mwa mota ya hae, ni kuya kwa... munzi wa hae o likani mwa na pila. Mwa linako nyana, a tondahala. Ne lu sweli kufepa linja, ku itukiseza musipili omuñwi wa kuzuma. Mi ha lueza cwalo, kiñi, a pahama mwa mota ni kufunduka.

<sup>48</sup> Mwa mizuzu yelikani fela, mutangana ya na bonahala hande ataha, mwendi wa myaha ye sebentini yakupepwa, Mukrteste ya na bonahala hande ya tozizwe mucaha wateni. Ki hali, “Yo ki munyana ka.” Ali, “Ha ki wa Jack Mormon. Yena ki mu Mormon ya kwanile hande.”

Se nili, “U i kutwa cwani, mwana?”

Mi ki hali, “Na utwisisa, kuli muzwale waka u ni bulelela, kuli u mupolofita.”

Se nili, "Batili, sha." Se nili, "Ha ki kuli Ni mupolofita." Se nili, "Mulena uni bonisize lika ze ka ezahala."

<sup>49</sup> Ki hali, "Nina ni ndonga mwa lizoho cwale, Ni lukela kuba fa tafule ya kupazulelwa." Ki hali, "Kono munyana ka uni bulelezi taba ye. Mi se Nili, 'Haiba ku cwalo, Hani tokwi ku pazuliwa.'" A ni talima hande mwa liito, neli, mutualimelo, o sepahala, hande wa niti, ali, "U ni beye mazoho fahalimu. Haiba lika ze li cwalo, Hanina ku tokwa ku yo pazuliwa." Aya kwa ndu hande.

<sup>50</sup> Muzwale yo, mulikana ka wa Mukreste, na sweli kuzuma ni na, ya zwa kwa Phoenix. Ki hali kuna, ki hali... Babañwi ba bashimani ba bateni ona mo cwale. Alimuñwi wa wabona Na ziba uteni mo. Lwa ya kwa ndu. Ki hali, "Muzwale Branham, haiba Mulena uka ku bonisa pono ni ku bulelela ma Mormon bani se si ka ezahala fela, seo si ka ezahala, kakuli kona ze ba sweli kubata."

<sup>51</sup> Kacwalo, Na lapela mi Na lapela. Mi mwa musipili waka ha ni kuta kwa hae, Ne ni taha kwanu, la Mubulo leli tatama, la Sunda, mwendi ka teni kiloko, Ne ni yemi mwa muzuzu, kasamulaho wa keleke kakusasana wani, mi ne ni sweli kutalima fande.

<sup>52</sup> Mi Na bona liseli le li benya, kamba mufuta omuñwi wa liseli le li monyeha. Mi Na bona tau yeneli kwa kota, mi—mi neli yenyinyani hahulu kuli ni kunupe. Ne ni sa itabeli. Mi nekuna ni yomuñwi yana i kunupile, mi, hana ezize cwalo, a ikunupa ka tobolo yetuna luli. Ya cancaula tau yani. Ne ni si ka itumela ka—ka—ka mo ne li ezahalezi.

<sup>53</sup> Ha Ni funduka kuliba kwa Phoenix, Na bulelela Muzwale Dawson cwalo, ni Muzwale Mosley. Na ziba uteni mo. Ne ni muboni zazi leliñwi, kokuñwi kwanu. Mi na ka ya nina, yena ni musala hae. Mi se Nili, "U talimele mi ubone, seo SA BULELA MULENA KISONA. Si ka ezahala ona cwalo."

<sup>54</sup> Masihu lwa libelela, amane kamba masihu a ketalizoho, ne lu zumile, kamba mazazi cwalo. Mane hamukoni kubona tau kwa kota busihu. Nekubanga kuli, ha ni kuta kwa lapa, ba tamulula linja, muzumi yoo, mushimani wa Mormon. Mi cwale—cwale tau yani ya latelela kanzila, kamba nja ya latelela mo ne kufita tau, nitaluse, ni ku imatiseza kwa kota. Mi ka teni kiloko ya busihu za taha, za lu zusa fa mimbeta. Lwa zwela kwande kwani, mi ne kuna ni tau yeswana yani kwa kota. Inze lu monyeha maseli, Muzwale Mosley a i kunupa ni tobolo yebizwa foti-fo kaliba, ne ibata ku puma tau yani mwa liemba zepeli. Mi neili ona fani, ona cwalo fela mo ne ku bulelezwi.

Zazi lelitatama, Na kopana ni muzumi yomuhulu wa tolopo, Jack Mormon yomuñwi. Lwanga bashimani bani hamoho, ku ba kutiseza kwa hae ku Kreste.

Na mi bulelela, Yena wa swana maabani, kacenu, ni kuyakuile. Mulimu u bonisa Linzwi la Hae kuba cwalo.

Mu utwile batu haba bulela kuli, "Ka kubona ki kulumela." Yeo mane ha ki niti. Batu babañata ba bona mi ha ba lumeli.

<sup>55</sup> Mazazi ao Jesu nali mwa lifasi, kiñi hane ba si ka Mu ziba, kuli Na li yena Linzwi la Mulimu le li bonahalile? Kiñi kanti batu hane ba si ka lemuha kuli Mushe naize kuli, "Mulena Mulimu wa mina uka zusa mupolofita ya swana sina na"? Mi A taleleza Linzwi kaufela leo Bibebe ibulezi kuli Uka eza, kono ne ba si ka li lumela.

<sup>56</sup> Kono Mulimu, mwa lusika lufi kaufela, u pakile Linzwi la Hae kuba la niti. Yena kamita wa bonahalisanga Linzwi la Hae. Mi ba bulela fokuñwi, bali, "Kubona ki kulumela." Ha ku cwalo. Kono lu ziba kuli Mulimu uwelapili kubonisa Linzwi la Hae mwa lusika lufi kaufela.

<sup>57</sup> Lu ziba kuli Na li pakile ku Adama ni Eva, kuli ha Na bulezi kuli, "Zazi le mu ka ca kuyona, lona lizazi leo luli muka shwa." Luna ni kuitumelela cwalo, yeo kona niti. Lwa lumela cwalo, kakuli U li pakile ku luna, mi lu ziba kuli ki niti.

<sup>58</sup> Cwale lu kanga fela libaka zeñwi zeo Mulimu na pakile Linzwi la Hae. Ha lungeni, ka mutala, mwa mazazi a—a Nuwe. Mulimu na bulelezi Nuwe liñusa le ne li si la sayansi neba ku lumelwa. Hakuna yana li lumezi. Ne isika nela kale mwa lifasi. Ku shutana ni sayansi!

<sup>59</sup> Mwendi nebali lusika lo lutuna lwa sayansi nako yani kufita mo lubezi cwale, kakuli ne ba yaha ma piramidi ni matawala, ni zeñwi cwalo, mwa mazazi ani, e lu sa koni kuyaha cwale. Ne ba zamaeleta ni mata, a mufuta wa mubelekelo wa mishimi yeipitezi, mwendi ikona kuba atomic kamba nto yeñwi, ze ne kona kunanula macwe amatuna ani, e lu sa koni kunanula kacenu. Kono ne ba eza lika zetuna za sayansi. Ne ba na ni nto yeñwi yene ba itusisa ku omisa mibili wa mutu, kuli u bonahale o iketile fa lilimo limo. Luna lu latehezwi ki zibo yeo.

<sup>60</sup> Jesu naize, "Ona mone ku inezi mwa mazazi a Nuwe, kona mo ku kabela ni ha taha Mwana mutu." Mi lu ziba kuli luna ni kukena mwa lusika loluñwi lo lutuna lwa sayansi.

<sup>61</sup> Mi cwale liñusa la na bile ni lona Nuwe neli le li shutana hahulu kwa kulumela kwa lizazi lani, mwa keleke, mi hape neli nto ye shutana hahulu kwa lipatisiso za sayansi. Kono Mulimu abonisa kuli Linzwi la Hae ki la niti. Mulimu a bonisa kuli sa na bulela mupolofita yani neli sa niti.

<sup>62</sup> Hape lu ka nga yomuñwi fa nako nyana fela. Abrahama neli mupolofita yomuñwi wa Mulena, yo Linzwi ne little ku yena. Mi amu bulelala, ha na li wa myaha ye sebente-faifi ya kupepwa, mi Sarah nana ni myaha ye sikisite-faifi ya kupepwa, kuli na ka ba ni mwana ka Sarah. Cwale, sani neli se si komokissa luli ku ya sa lumeli. Munahane fela, kacenu, sika se si cwalo mane si ezahale mwa lizazi le, ka za sayansi za luna kaufela ze luipumanezi, ni mipila ya kutatubela ye kaufela ya limbututu

ze bulelwa, ni zeñwi cwalo? Kono musali muhulu yo, cwale wa myaha ye sikisite-faifi ya kupepwa, ni muuna muhulu wa myaha ye sebente-faifi ya kupepwa, kono Linzwi la Mulena la taha ku Abrahama mi la mu bulelala kuli se si ka ezahala. Mi Abrahama alumela ku Mulimu. Cwale, hakuna taba kamba Mulimu na bulezi ze cwani, ni ka mo ne li kabela za niti, Abrahama nana ni ku lumela za na bulela Mulimu, kuli libe ona cwalo. Cwale mutualime muuna yani mwa na likezwi, ni bupaki bwa hae, kuli na lumela.

<sup>63</sup> Yena muuna ya swana yani yana bulezi buipuleli bwani, kuli na lumela ku Mulimu, ki mutu sina wena, yainzi mo busihu boo. Lu sa lumela ku Mulimu. Luna ni kulumela kuli Linzwi la Hae kona Niti. Mi Uka li bonahalisa, kuli Ki yona Niti, haiba lu ka lumela fela cwalo.

<sup>64</sup> Cwale mutualime ku ze ne tibela zana na ni Abrahama. Taba yapili neli sishemo sa hae, myaha ye sebente-faifi ya kupepwa, mi Sarah ali wa ye sikisite-faifi. Na sa fitelezi kale cincheho ya bupilo, ili buino bwa basali. Hakuna ku kakanya kono ne se kuomile kale, lilimo zeñata kwa mulaho. Na pilile ni yena sina musala hae. Na li kezela hae neku leliñwi, na mungile mwendi a sa na ni fela myaha ya bunca, mi a inyalela yena. Mi nasina bana ni yena. Na li fela mumba ya kwanelezi luli. Mi cwale lufumana kuli, ka kueza se, nana ni kukauhana kwa sicaba kaufela sene si sa lumeli, ili kuli zeo likone ku talelezwa.

<sup>65</sup> Hani talusi kuli muna ni ku kauhana kwa sicaba sa henu. Kono una ni kukauhana ili wena kwa lusebo lwa ku sa lumela kaufela, ni kuinela kwahule ni zeo. Batu ha ba bulela kuli, “Ah, lika zeo hali ezahalangi! Sani ki sikwata sa batu baba sitani! Hakuna sika se si cwalo se si kona kuezahala,” kwala fela lizebe za hao ni kuikela kusili. Usike wa iseza ngana ku zeo.

<sup>66</sup> Bibebe ibulezi kuli “Abrahama na si ka sitatala fa sepiso ya Mulimu, ka ku sa lumela; kono atiya, inza fa milumbeko ku Mulimu.” Libizo la hae la cinciwa kuzwa ku Abrame kutaha ku Abrahama, ku cinciwa kwa libizo kwa tisa libizo la hae, “nddate wa macaba.” Munahane fela kuli muuna ya pila ni musala hae, mulatiwa wa hae, kuli na sa pilile ni yena cwale ka myaha ye kaufela, mi cwale fokuñwi mwa lilimo za ma eite za kupepwa, ni musala hae ana ni myaha ye sebente ya kupepwa, mi ibo kusina neba mwana alimuñwi kamba nihaiba sepo ya kuba ni mwana, kono inza ipiza kuli ki “ndatahe macaba.” Mwakona ku nahana twaniso ye ne zwa kwa balikani ba hae ha ba fita ni kubulela kuli, “Ndatahe macaba, cwale se una ni bana ba bakai ka nako ye?” Mi kana twaniso kaufela ya na fita ku zona!

<sup>67</sup> Kono Abrahama na si ka sitatala kai ni kai, ku sa lumela. Na lumela kuli Mulimu na ka eza sa Na sepisize, kuli Mulimu na ka bonisa Linzwi la Hae, hakuna taba kamba ne lingile nako yekuma kai. Kono kufita kuli afokole ka nako kaufela, sina mo

lu twalezi kuezeza, yena aba ya tiile ka nako kaufela. "Haiba ha li ezahali kacenu, kamuso ikaba makazo yetuna, kakuli i hulile ka zazi li liliñwi." Yani neli Mulimu, yani neli Mulimu ku Abrahama, kakuli na ziba kuli Mulimu na paka Manzwi a Hae kaufela kuba cwalo.

Haiba bana ba Hae bakona fela kunga Linzwi la Hae, kuli Akone ku Li bonisa ku wena! Yeo kona nzila fela Yakona kubonahalisa Linzwi Hae.

Ha Li bonahalisangi ku ba ba sa lumeli. Habakoni ku bonisezwa; bona ha ba lumeli. Kono, Ha ki la baba sa lumeli. Ha ki za baba sa lumeli.

<sup>68</sup> Ki ku yena ya lumela. Mi haiba Akona kufumana mutu yaka lumela Linzwi la Hae, Uka bonisa Linzwi la Hae ka wena. Mi fokuñwi matuku ni lika zeñwi za ezahalanga ku luna ka nzila yeo, kuli Mulimu akone kuiponahaza ili Yena.

Kana mwa hupula muuna wa sibofu yana fumani Jesu? Neba ize, "Ki mañi ya na ezize sibi, yena kamba ndata he, kamba ki mahe?"

<sup>69</sup> Ki hali, "Mwa taba ye, hakuna ni yomukana, kono ki kuli misebezi ya Mulimu izibahale." Mwabona, ne li ezahalezi ku mushimani kuli Jesu akone kufiwa kanya. Fokuñwi butuku ha ki sikuto, ki mbuyoti, kuli lukone ku otolola tumelo ya luna kwande kwani ni kubiza lika ze si yo, inge kuli liteñi. Mulimu na bulezi cwalo, mi U ka paka cwalo haiba hamuna ku fokola mwatasa tatubo.

<sup>70</sup> Na bonisize Jobo, nako yeñwi, kuli na si ke a Mu kuta inza Mu talimile. Mutualime muliko wa na fitile ku ona Jobo. Kono neba mwa mitahali ya lifu, kono ibo ali, "Mulena u file, Mulena u ni amuhile, kulumbekwe Libizo la Mulena!" Kakuli na li lumela luli. Mulimu na bonalize Linzwi la Hae ku Jobo. A libonalisa ku Abrahama. A libonahalisa kuba cwalo.

<sup>71</sup> Hape A li paka ka Mushe. Mi cwale Mushe, butata hane bu mu lwanisa, Mushe na nani sona mwa munahano wa hae, kuli mwendi, u kaba mulamuleli, kakuli bo mahe ne ba mu bulelezi kuli na pepilwe ali mwana ya kwanile hande. Mahe—mahe neli yena muluti wa hae yana mu utela mwa lapa la Faro, hakuna kukakanya kuli na mu bulelelanga kuli, "Mwana, lu lapezi kuli lu ka lamulelwa, mi lu lumela kuli ki wena mwana yo Mulimu uka itusisa ku liulula." Mi cwale ha na . . .

<sup>72</sup> Mwabona, a taha mi nali mwana wa—wa mwana mukwae wa Faro, mi lu fumana kuli na lukela kuba muca sanda kwa lubona. Kiñi, hakuna ku kakanya kuli ne nahana ka nako yani, kuli na kaba yena Faro ya tatama, "Mi cwalo kona mwa na ka lamulela sicaba, ka kuba Faro ya tatama." Kono Mulimu nana ni . . . Haiba zeo ne li ka ba cwalo kona kuli na ka lieza ka sika kaufela, ka mukwa wa—wa—wa litaba za naha. Kono Mulimu kamita ha sebezangi cwalo.

<sup>73</sup> Mulimu una ni nzila ya Hae mo abelekelanga, mi Na bulezi kuli Uka “ba lamulela.” A bulelala Abrahama kuli, “Kasamulaho wa myaha ye mianda yemine,” Na ka “ba lamulela, ka lizoho le li mata,” Na ka “bonisa lisupo ni ze komokisa.” Kacwalo na si ka eza cwalo, kacwalo Abra- . . . Lu fumana kuli Abrahama na lumela ku Mulimu, mi ki yo fa Mushe cwale inza lumela ku Mulimu.

<sup>74</sup> Mi Mushe atalima fa lihaulo le liswana lana talima kulona Faro, abona sicaba se si swana. Fona fa na talimanga Faro, kuli, “Ki sicaba se si kutilwe, sicaba sene si sina tuso kwanda bafitelezi mwa tumelo, ku Mulimu, ni Mulimu wa lihalaupa leliñwi kokuñwi yo ne ba sa zibi sesiñwi ka yena; siyemo sesiñwi se ne ba lapela, sene si sina tuso ku bona. Ki sikwata sa bafitelezi batumelo. Mi nebali sikwata sa batanga. Mi Mulimu wa bona aba tuhelela kuba batanga, kubonisa kuli Na si Mulimu.”

<sup>75</sup> Mi mwahala taba yeo kaufela, na sweli kutisa mutu yaswana. Mulimu u ezanga lika ka nzila ye ipitezi cwalo, fahalimwa bona mane. Isiñi muituti wa za bulapeli, isiñi muluti, isiñi muprisita, isiñi nihaiba alimuñwi wa baana ba bona baba kenile; kono ki mutu wa fela fela, yana pepezwi musebezi. Mi Mulimu amu biza kuli abe mupolofita wa Hae, ni ku mu luma kwani. Mi asina sika mwa lizoho la hae kwanda mulamu o sikami sikami, ku yo lwanisa mpi, masole ba ba ziba ndwa bene ba koma lifasi. Kono ka ona mulamu wani mwa lizoho la hae, sina Mulimu mwa na bulelezi kuli aswale kota yani mwa lizoho la hae ni kuli na ka lamulela Isilaele, mi a yo eza cwalo kakuli Mulimu na sepisize zateni. Kana uka li eza cwani? “Ni kaba ni wena.”

Na ize, “Ni bonise kanya ya hao, Mulena. Ha ni koni kubulela. Ha ni koni kubulela hande. Mi Na . . .” Nana ni zeñata za kuinyaza ka zona.

<sup>76</sup> Kono Yena ali, “Ni kaba ni wena.” Mi kona fela ze ne bile teñi. A ya, inza Iwezi Linzwi la Mulimu. Hakuna taba kamba musebezi ne u bonahala cwani kusabisa, Mushe na zwelapili kulumela Mulimu. Mi Mulimu apaka Linzwi la Hae, ka Mushe, kuli ki la niti. Kakuli, hakuna taba ka ze ne ezahalile, Mushe na pilile hande ni Linzwi. Mwa nako ya musipili . . .

<sup>77</sup> Mulimu na ba bulelezi, kwani kwa Egepita, hape, kuli Uka ba lamulela, “Kukena mwa naha ya sepiro, naha yende, yetezi mabisi ni linosi.” Mi yona neili teñi luli. Ne ba sa zibi kuli ne iliteñi, kono Yena ali, “I teñi, mi Ni mi file yona. Ki ya mina kale, mu yo ikungela yona fela!”

<sup>78</sup> Mi mwa lihalaupa, buñata bwa bona ha ba zwa, inge ba binela mwa Moya, fani Miriame inza liza kambuli; baca manna yezwa kwa Lihalimu; ba teezeza ku Mushe aopelela mwa Moya; ba bona limakazo ni lisupo zeñwi kaufela. Kono cwale ha litaha fa kangisano, ku lumela Linzwi la Mulimu, sepiro kaufela, ba palelwaa.

Ki bababeli fela ba bona be ne ba lumela cwalo, yani neli Joshua ni Kalebu. Mi ba tisa bupaki bwa kuli na ha yende.

<sup>79</sup> Kono, buino neli kuli, kona bo ne bu ba tibela. Kakuli, ne baize, “Ha lukoni kuhapa na ha yani, kakuli mileneñi yabona i yahilwe ka mamota, bani—bani—bani lindumeleti zabona kwani. Isiñi lindumeleti za bona, kono sicaba sa—sa bona ki mangangalume babatuna. Kiñi, lu bonahala sina limbimba, kwa matuko a bona.”

<sup>80</sup> Joshua ni Kalebu bali, “Luna ni mata amatuna mane lwakona ku ihapa.” Kiñi? Mulimu na bafile yona, hakuna taba kamba mangangalume neli babatuna cwani. Si sitataliso ne si si sina sika ku bona. Mulimu na bulezi cwalo! Mi Mulimu a li paka ka bona. Mi ba ya ku yo hapa na ha, sina Mulimu ha na bulezi kuli baka eza cwalo. Na li pakile kubona.

<sup>81</sup> Cwale, ha ba taha ka kweli ya Lungu, mezi a na sweli kubayula cwalo mwa malundu mwani, ku kwahela puka ni litwa, ni zeñwi cwalo, ni kubonahala inge kuli Mulimu neli muika wa mubotana, kuli a etelele mpi ya Hae kutaha fa sibaka sesiñwi, Na ba lamulezi kuzwa mwa na ha ya sepiro. Mi nako luli ya Na ba silisize mwa buse, ha na ka ba silisa, neli kweli yemaswe luli mwa mwaha. Kweli yeo Jordani ne ibayuzi kufita fa makamba a yona, kufita ni mwa masimu. Kiñi, haiba nebaka ba siliseza mwabuse, neikona kuba mwa nako ya mbumbi, ha ne ba silezi mwabuse. Kono A libelela kufitela kuba mo ku tungile luli. U tabela kubonisanga kuli Ki Mulimu. U tabela kubonisanga Linzwi la Hae, kupale kumane.

<sup>82</sup> Hakuna taba kamba dokota uize, “U bulaiwa ki kansa.” Kona fela za ziba mutu yoo. Mwendi mezi ateni a tungile ku mina babañwi, busihu boo. Kono, muhupule, Mulimu u file sepiro. Mulimu u buluka Linzwi la Hae, mi Mulimu upaka Linzwi la Hae. Ki yona Niti.

<sup>83</sup> Na libelezi kufitela kuba sileze, kufitela ba nwela mane ni litoho za bona, ni zeñwi cwalo, mi ki Ha kwalula nzila. A ya fapila bona ni ku ba lukiseza nzila.

<sup>84</sup> Ba ka kena cwani, fa Jeriko, fani inge i kwalilwe? Joshua nasweli kubilaela. Na ziba kuli Mulimu na mu isize fahule fani, muhato otatama kutaha ku Mulimu.

<sup>85</sup> Zazi leliñwi, hanali fande inza zamaya zamaya, atalima mamota, abona Muuna inza yemi ni mukwale wa Hae o comohile. Mi a comola mukwale wa hae ni ku yo katanyeza Muuna yani, ki hali, “Ki Wena mañi? Kana u inzi ni luna kamba U sila sa luna?”

<sup>86</sup> Ki hali, “Ki na Kapitao wa mpi ya Mulena.” Mi A mu bulelela sa kueza. U kaliza cwani tolombita ni kuli limota liwele fafasi, kuli ba matiseze kolo mwabuse bwani? Ki sikamañi se ne si ka ezahala kwa tolombita?

<sup>87</sup> Mulimu u itusisanga mikwa yebunolo ye cwalo. Ku cwalo, bunolo bwateni, kona ze eza Mulimu ku na. Luna kamita lu lika kufumana lika zetuna zeñwi, ze ka eza taba yeñwi, mi Mulimu... kopano yeñwi yetuna ikanga sibaka kaufela ni ku si tatulula hande. Mi, Mulimu unga mutu ya bunolo, mutu fela alimuñwi yo Akona kuswala mwa mazoho a Hae, mi Uka bonisa Linzwi kaufela la Na bulezi, ka Lona. Unganga mikwa yebunolo cwalo!

<sup>88</sup> “Liza tolombita.” Isiñi ku kata limota, kono, “Kuliza fela tolombita, mi mamota aka wa. Mulumo wa kulila kwa tolombita u ka wiseza mamotafafasi.” Ha ki taba kwa bukuba kwa munahano wa mutu! Kono Mulimu na bonahalize Linzwi la Hae kuba niti, kakuli mamota na wilefafasi, leliñwi fahalimwa leliñwi. Ba kena kapili ni ku hapa munzi.

<sup>89</sup> Oh, Mulimu utabela ku iponahaza ili Yena kuba Mulimu! Joshua na ziba cwalo. Zazi leliñwi, mi ha na yemi fani, iliñwi ya zekomokisa zetuna yekile ya ezahala fateni, kwanda lifu, kupumbekwa, ni zuho ya Jesu Kreste. Mi sila... Ha na ba swasize, ni limpi ze shutana nelili mwa malundu. Na ba beile mwahali, mi lizazi ne li ya li likela. Oh, mawi, ki nako yecwani ku Muzamaisi wa mpi yani Joshua!

<sup>90</sup> Muhupule, na Iwanisize naaha yani ku ihapa, kusina kuba ni sipatela, nasi, lisila la kuma fa litombo, kamba mutu ya holofezi. Mu ni bulelele se si kona kunata sani. Eeni, sha. Na sina lipatela, kutokwa nihaiiba ma nasi, mi na si ka latehelwa ki mutu ni yomukana, ibile fela ne ba ka zamaya mwa tato ni Linzwi la Mulena. Mulimu na pakile kuli Nali ni bona. Yeo ki niti. Mulemuhe cwale.

<sup>91</sup> Mi lufumana cwana kuli Joshua na ziba, haiba busihu ne bu ka taha, neba ka ba telela ni ku holofazana, mi—mi ni kutaha hamoho kuli babe mpi yeñwi yetuna, mi na kaba ni nako yetata habusa. Na sa zibi sa kueza, kacwalo atalima ku Mulimu. Na tokwa tuso, mi na tokwa kuli lizazi li yeme kulo kulikuñwi. Kacwalo a laela fela lizazi lani kuyema nonga, mi ni... abulelela “kweli kuyema fahalimwa Ajaloni,” isike ya shenya kufitela ha na ka i laela. Mi kweli ni lizazi za yema ka lihola ze twenty-foo, fani Joshua ha lwana ndwa ni kukoma sila, kakuli nali hande mwa musebezi. Nana ni tukelo ya kueza cwalo, kakuli na utwela mulao wa Mulimu.

<sup>92</sup> Mi haibile fela u inzi mwa musebezi wa hao, wa kubuluka Linzwi la Mulimu, ueza fela Za ku bulelezi kueza, unzo ku zamaya ka litaelo za Mulimu, muna ni tukelo ya kubulela kwa lilundu lani kuli, “Aku shimbuluke!”

<sup>93</sup> Mulimu u buluka Linzwi la Hae. “Ha mu ka bulelela lilundu leo kuli, ‘Shenya,’ musike mwa kakanya mwa lipilu za mina, kono mulumela kuli se mubulezi si ka ezahala, mwakona kuba ni sona se mu bulezi.” Jesu na bulezi cwalo, ku Muñoli Mareka

11:22. Yeo ki Niti. Ni ziba kuli yeo ki Niti. Ki Linzwi la Mulimu, mi seo si paka kuli ki Niti. Lwa sabanga fela linako zeñwi. Lutaha fa sibaka, fo lusaba kuli Hana kubuluka Linzwi lani. Ukabuluka Linzwi lani. Na bulezi kuli Uka eza cwalo. Cwale, lu fumana kuli yeo ki niti. Na li pakile.

<sup>94</sup> Bupolofita bwa Isaya, nako yeñwi, ili nto yene si ka ezahala kale fateni; kwali kuba ni haisali, mi yali kuba ibe teñi. Mi ali, “Mwalanjo u ka itwala.” Mwakona kunahana kuli musali, kusina kuziba muuna, na kaba cwani ni mwana? Isaya naize, “Mwalanjo uka itwala.”

Mi Mulimu aeza kuli mwalyanjo a itwale, kupaka Linzwi la Hae kuba la niti. Na pakile Linzwi la Hae, kakuli mwalyanjo na itwezi mi apepa Mwana.

<sup>95</sup> Cwale, Linzwi lani la ezwa nama, mutualime sene Li ezize. Mi Mwana yani ha taha, Nali yena Linzwi Kasibili. “Kwa simuluho nekuna ni Linzwi, mi Linzwi nali ku Mulimu, mi Linzwi ne li Mulimu. Mi Linzwi a ezwa nama mi a to yaha ku luna.”

<sup>96</sup> Na li yena Linzwi lelipila lani. Na paka kuli Nali yena Linzwi lani. Na bulezi kwa baluti ba lizazi lani kuli, “Ki mañi ya kona ku Ni nyaza ka sibi?” *Sibi* ki “kusalumela.” “Ki mañi ya kona ku Ni bulelela kuli ha Ni lumeli? Linzwi kaufela le li ñozwi ka Na, li talelelizwe.” Zesupa za mafelelezo ze ne bulezwi za bupilo bwa Hae ne li talelelizwe mwa liholha zesupa za mafelelezo, fa sifapano. Kaufela ze ne ñozwi ka Yena, za talelezwa, kakuli Nali yena Linzwi. A bonisa kuli Na li yena, nali cwalo. Na folisa bakuli. Na zusa bafu. Na komile lifu, lihele, ni libita. Na pakile kuli Nali yena Linzwi.

Mulemuhe taba ye kwanu kwa ndu ya Jairusi. Na li . . . Na ba bulelezi niti. Lwa Mu bona ha Na sila liwate. U taha mwahali.

<sup>97</sup> Nekuna ni musali nyana fa lilundu, yana sa sinyize masheleñi a hae kaufela kwa baalafi. Hakuna ku kakanya, baalafi ne ba ezize kaufela ze baziba, kuli ba tuse muslai yani; eni sha baalafi ba Maheberu, mi yena neli musali wa Muheberu, kacwalo baeza kaufela ze ne baziba kuli batuse kezela bona. Ni ha ne basina mwa kutuheliseza mweya wani, ze ne li, mwendi, nako ya kuyema lupepo lwa hae ni mweya ono poomoka kufitela aba wa . . . musali yani aba ya fokola luli kuli na palelwa neba kuzamaya. Mi na utwile ka za Jesu. Mi ha bona mukolo wani u kashezwa mwa matuko a likota za nuka, a yo batisisa.

<sup>98</sup> Buñata bwa bahanyezi ba Hae ne ba yemi fani. Mi Ha ikambusi kwa kunyaziwa kwa kacenu. Kambe ne ba ziba Ya Na ambola kubona, nebasike baba ba ku Mu lwanisa. Kono nebali balwanisi ba Hae kakuli ne ba sa zibi Yo nali Yena.

Mi kona nzila ye swana ni Liñusa kacenu, baana babañata hahulu kacenu ni basali ba nyaza Se kakuli ha ba zibi kuli Kinto mañi.

<sup>99</sup> Jesu naize, “Kambe mu zibile Mushe, ne mu ka Ni ziba nina. Mushe na bulezi za Ka. Baana babatuna babañata ne ba tabla kubona lizazi lee. Ha Ni sa ezi misebezi Ya Ndate, konakuli musike mwa Ni lumela. Ni na ni bupaki bobutuna,” Na ize, “kufita bwa Joani, kakuli misebezi ye Ni eza, ibonisa kuli Ndate u na ni Na.” Nana ni misebezi yemituna, kakuli Nali yena Ya zibahalizwe. Joani na zibahalile hape, sina linzwi la ya huweleza mwa lihalaua. Kono cwale ha Na tile, Nali mupolofita yo Mushe na bulezi kuli wa taha.

Sina hane Ni bulezi busihu bobuñwi, Na tile ka mabizo amalalu; libizo la Mwana Mulimu, Mwana mutu, ni Mwana Davida.

<sup>100</sup> Ha Na li fa lifasi fa, nako yapili, Nali yena Mwana mutu. Na si ke kuba Mwana Mulimu ka nako yani; Na si ka ipapata kuba ya cwalo. Na bulezi kuli Nali “Mwana mutu.” Mutu kaufela ha Na mu buza, Na bulela kuli, “Mu bona Mwana mutu; Mwana mutu.” Cwale, “Mwana mutu” ki *mupolofita*. Nana ni kutaha ka nzila yeo, kakuli, ki Mañolo, Hakoni kutaha ka kushutana ni Mañolo.

<sup>101</sup> Ki kabakaleo, kacenu, kuli li—li Liñusa la luna la hola ye halikoni kutaha ka lituto za bumulimu ni za bulapeli, lina ni ku kutela kwa taba yeswana yene sepisizwe kuezahala. Li na ni kuba ka nzila yeo.

<sup>102</sup> Kacwalo lu fumana kuli, ku yena Muuna yo, Nana ni kuba mupolofita. Isiñi Mwana Mulimu nako yani, Na lukela kuba Mwana mutu. Jehova yena Kasibili na biza bapolofita, Jeremia ni babañwi kuli, “Mwana mutu.” “Ha mu ta bona Mwana mutu . . .” “Ki mañi Mwana mutu?” ne ba tundamena ku buza.

<sup>103</sup> Konakuli, Na sebeza mwa ofisi ya Hae ya kuba Mwana mutu. Mi ki Ha sebeza mwa ofisi ya Hae cwale sina Mwana Mulimu. Mulimu ki Moya, mi cwale ha Na sebeza mwa Masika a Likeleke, kakuba Mwana Mulimu. Cwale, mwa puso ya Mileniamu, Ukaba Mwana Davida, ha Ta ina fa lubona lwa Davida. Ukaba muca sanda kwa lubona, Mwana Davida. Mwana mutu, Mwana Mulimu, Mwana Davida, mi ki Muuna ya swana ka nako kaufela.

<sup>104</sup> Inge fela Ndate, Mwana, ni Moya o Kenile; ili ofisi ya Mulimu. Na li yena Mulimu Ndate, mi ki Haba Mulimu Mwana, cwale Ki Mulimu Moya o Kenile. Isiñi Balimu babalalu; ki Mulimu alimuñwi, liponahazo zetalu, milelo yemilalu ya Mulimu yaswana.

Cwale lufumana kuli, mi mwa hola ye lupila ku yona ye, Mulimu ubuluka Linzwi la Hae ka kuswana fela sina mwa Na ezelize nako yani.

<sup>105</sup> Lu fumana cwana kulii Utaha kusila liwate. Musali yo na lumela ku Yena, nekuna ni sesiñwi mwahali ku yena sene si kala kubila.+ Nasina Liñolo lateñi, nekusina neba Liñolo la kuli

Joshua na ka yemisa lizazi, kono na lumela mwa pilu ya hae kuli Nali yena Mwana Mulimu. Kacwalo ki hali, “Kambe Ne ni ka swala fela sapalo sa Hae, Ne ni ka foliswa.” Kacwalo a itiisa mwahala sicaba kufitela a yo swala kwa mungundo wa sapalo sa Hae, mane mweya wa tuhela.

<sup>106</sup> Cwale, A talima mwa sicaba, kuli abone ya Na mu sweli. Hakuna kukakanya, nekuna ni alimuñwi. A yema. Sicaba kaufela ne si Mu pitihanyeza; mi babañwi inge ba Mu bona bukuba, babañwi ne ba Mu seha; muprisita na yemezi kwahule inza Mu buzaka lipuzo, ni baana ba bulapeli, ni babañwi cwalo. Kono nekuna ni babañwi be ne ba Mu lumela. Mi, kasamulaho nyana A yema, hañihañi fela, afetuha, ali, “Ki mañi ya Ni sweli?”

<sup>107</sup> Babañwi ba bona bali, “Kiñi, Muluti!” Ni lumela kuli neli Pitrosi yana ize, “Kiñi, sicaba kaufela sa Ku pitihanyeza. Kiñi, kimañi ya Ku ‘sweli’? Kiñi, mañi ni mañi usweli wa Ku swala!”

Ki hali, “Kono Ni lemuha kuli mata azwile ku Na.” A fokola. Neli muswalelo o shutana.

<sup>108</sup> Kambe ne lu ka bona fela sani, muzwale, kezeli! Haiba u kona ku Mu swala ka muswalelo wani! Oh, batu babakula, Ni bata ku mi lapelela, mwa mizuzu fela yelikani. Ni lumela kuli Nina ni Moya o Kenile, ha ki Moya o Kenile usili kufita o mu nani kwande kwani, o bana ni ona kwanu baana ba. Ona Moya o Kenile oswana, kono ki taelo ya Mulimu; mi haiba mu ka lumela kuli yeo ki taelo ya Mulimu, ya kulapelela bakuli, ni ku ba beya mazoho, ni kuleleka mioya yemaswe, ni lisepiso Za file, ikaba nto ye swana ku mina. Mu ka amuhela ze mu kupile, haiba mukona ku lumela cwalo.

“Kana u lumela kuli Na kona kueza seo?” kwa bulela Jesu.

<sup>109</sup> “Ehe, Mulena, Na lumela,” kwa bulela muuna yana ni mwana wa kanono, “Ni lumela kuli ki Wena Mwana Mulimu ya na lukela kutaha mwa lifasi.” Cwale, lu ziba kuli zeo likona fela kuezahala ka mubonelo o cwalo kuli linepo litahe.

<sup>110</sup> Cwale, kapili, ha lu nahaneñi ka Yena fa nako nyana, ki yo U mwa musipili wa Hae. Muprisita yomunyinyani ataha kwani, hakuna kukakanya kono mutangana nyana yani neli mulumeli wa sihali-hali.

<sup>111</sup> Kuna ni babañata hahulu ba bona mwa lifasi kacenu, balumeli baba sihali-hali fela. Ba bata kulumela Cwalo. Ba bata kulumela kuli Moya o Kenile ki wa niti. Ba bata kulumela kuli wo ki muzamao wa baapositola, sina Mulimu mwa na sepiselize mwa mazazi a maungulo kuli U ka sulula Moya wa Hae. Luna . . . ubata kulumela mwa Malaki 4, kuli Na sepisize, mwa mazazi a maungulo kuli yona—yona Tumelo ya makalelo ya pentekota ika kutisezwa kwa—kwa keleke hape.

<sup>112</sup> Malaki 4 i bulela cwalo. “Amubone, Ni ka mi lumela Elia ka lizazi la mafelelezo,” yeo ki niti, “mi uka kutisa Tumelo ya bana

kwa bashemi hape,” mwabona, “Tumelo ya bashemi kwa bana, hape.” Mwabona, i lukela kuba cwalo.

Mu li, “Kihande, yani neli Joani Mukolobezi.” Batili, batili.

<sup>113</sup> Joani Mukolobezi neli Malaki 3. Yeo ki niti. Mateu 11 ibulela cwalo, “Haiba mukona ku i amuhela, yo ki yena yo ku bulezwi za hae kuli, ‘Amubone, Ni luma numwana wa Ka fapila pata ya Ka.’” Neli Elia, kiniti. Jesu na bulezi kuli neli yena. Kono isiñi Elia wa Malaki 4, ni hanyinyani.

<sup>114</sup> Kakuli, “Kapili kasamulaho wa Liñusa lani, lifasi lina ni kucisiwa ka mulilo, mi baba lukile ba zamaye fa mufuse wa ba bamaswe.” Kacwalo ne ku si ka ezahala kale mwa nako ya Joani. Lu lukela kuba ni Liñusa le li zukuza hape ni kutisa sicaba kuzawa mwa buino bwa likopano, kukutela kwa Tumelo ya makalelo, ya niti ya pentekota. Mi lusweli ku libona ha li ezahala, ki kutalelezwa kwa Mañolo ana ni kuezahala. Mañolo kaufela alukela kutalelezwa. Ki amakai hape o lu lukela ku tamahanya, likona ku ni tanda nako nyana kulo fa cwale, kuli ni a bonise. Kono mwa utwisisa lika ze, ze na ni kuezahala ona cwalo fela sina cwana, kwa bana ba Abrahama, kuya fela ka mwa Na sepiselize.

<sup>115</sup> Lu bona Jesu ha ya ku yo folisa musizana yomunyinyani. Kakuli, ndate, mulumeli nyana wa sihali-hali, sesiñwi sa taha fa sibaka sa kuli na koni kulemuha Jesu, kacwalo, ma dokota na mu palelwa. Mi a pamula kuwani ya hae yensu ni ku funduka kuli a yo bona Jesu. Mwabona, Yena kamita u teñi ha Mu bata. A Mu fumana inza taha fela kwa likamba.

<sup>116</sup> Mi ki hali, “Taha ku musizana waka yomunyinyani, u mu beye mazoho, mi uka ba hande.” Ali, “U lobezi mane u fakaufi ni kushwa. Ki yena mwana ka fela anosi.” Ali, “Una ni myaha yelishumi ka ye mibeli ya kupepw. Haluna bana basili hape. Musala ka ni Na,” mwendi, “ne se ba supala. Mi yo ki yena mwana fela ye lunani, mi uinzi bukaufi ni lifu. Mulena, Na Ku lumela. Haiba U ka taha fela uto beya mazoho a Hao ku yena, uka ba hande.”

Mwabona, ki sikamañi sa na ziba? Na zibile kuli Linzwi la sepiyo ya Mulimu lani ne li bonahalile ku Muuna yo.

<sup>117</sup> Ka kuswana fela sina Nekudema hana ize, “Muluti, muluti, lu ziba kuli U muluti yazwa ku Mulimu. Lwa ziba cwalo. Bafarisi ba ziba cwalo.” Kiñi ha ne ba sa buleli cwalo? “Hakuna mutu ya kona kueza lika Zo eza, konji haiba Mulimu una ni Yena. Lu ziba kuli Wena uzwa ku Mulimu.”

<sup>118</sup> Fa lufumana kuli Jairusi na lumela nto yeswana. Mi ali, “Taha uto beya lizoho la Hao.” Na ziba kuli Mulimu nali ku Yena. “Beya mazoho a Hao ku mwana ka. Ni ha kaba fakaufi ni lifu, uka pila.”

<sup>119</sup> A zamaya fela hamoho ni yena. Mi ha na sweli kuzamaya cwalo, kwataha mumati mwa mulaho wa hae, mi ali, “Usike wa Mu kataza, usike wa kataza Muluti ni zeñwi. Mu—mu musizana, u shwile, u sa timezi cwale. U shwiel kale.”

Jesu asikuluhela ku Jairusi, ali, “Kikuli ha Ni si ka ku bulelela kuli, ‘Haiba ulumela fela, u ka bona kanya ya Mulimu’? Kambe no ka lumela fela cwalo!”

<sup>120</sup> Akena mwa muzuzu, mi kibani nebali fani, kaufela inge ba lila ni kubokolola, ni kusilisa, inge fela mutu ufi kaufela mwa kona kuezeza. Musizana yomunyinyani yomunde, mwana musizana wa mulisana, na shwile, mi na zusizwe mwa lifasi. Mi na sa shwile fa liholahola, mi ne se ba mu lobalize mwa sipula, mi nali bukaufi ni kuomisa mubili wa hae, mwendi, ni ku mu buluka, ni ku mu pumbeka.

Mi lu fumana kuli Jesu ha kena mwa ndu. Kaufela bona ne ba silisa. Ki hali, “Amu kuze.” Ki hali, “Ha si ka shwa, kono u lobezi.”

<sup>121</sup> Cwale mwakona kunahaha ze ne ba hupuzi? “Kiñi, muuna yo lwa mu ziba, cwale. Lu utwisisa kuli Ki mwana wa mwa bonyazi. Mi lu utwa za Hae, litaba za Hae kaufela Za ezize. Mi cwale lu ziba kuli muprisita u lukile, ‘muuna wateni wa lyangana,’ kakuli lu ziba kuli u shwile. Dokota u mu bulelezi kuli ‘u shwile,’ mi ki yani ulobezi fani. U icongile, mi lu ziba kuli u shwile.” Se bali, ne ba Mu seha ka lisheha, ka manzwi amañwi, ba Mu eza kuikutwa kuswaba, ka ku Mu nyaza.

<sup>122</sup> Kono Na sa bulezi kale kuli na si ka shwa. Kona fela ze ne tokwahala. “U lobezi.” Hakuna taba kamba ki babakai bene ba shendaula, U ka bonahalisa Linzwi la Hae! A ba lelekela fande kaufela kuzwa mwa ndu, a zwisa baba sa lumeli kaufela. Anga Pitrosi, Jakobo, ni Joani, balumeli, lipaki zetalu, ni bo ndatahe ni bo mahe, ba kena mwahali aswala musizana kwa lizoho, mi abulela ka mushobo o no zusize moyo wa hae kuzwa kokuñwi mwa Kuyakuile. Mi musizana a pila.

<sup>123</sup> Ki sikamañi sa Na ezize? Na pakile Linzwi la Hae. Na bonisize sani sa Na bulela. Na si ka shwa. Na lobezi. Cwale lu fumana kuli, ka kueza se, lwa lemuha, mi Abonisa nto yeñwi fani. Cwale A bonisa kuli Na li Mulimu. A bonisa kuli Na bile kale ni zibo yakwapili. Mutualime sa Linzwi la Hae se li bulela cwale. “Ha si ka shwa, kono u lobezi.” Mwabona, na si ka shwa, ka kukala. Na lobezi. Abonisa zibo ya hae. Cwale,nekuka ba basizana ba bañata bene ba shwile kakusasana wani, kono yo kwateni na si ka shwa. Na lobezi, sina Lazaro mwa na bezi. Mi ki A mu biza kuzwa mwa buloko bwani, kakuli na si ka shwa.

<sup>124</sup> “Mi ya lumela ku Na, ni ha shwile, uka pila hape; mi ya pila kaufela mi alumela ku Na, haana ku shwa.” Ki bani fela babali mwa Buka ya Ngunyana ya Bupilo, ba Na liuluzi nako Ya shwa, yani ki yena yo Aka biza kuzwa mwa buloko bwani, ka zazi

lani, baba zusizwe ka mata a Hae, bona baba na ni mata atisa kwa bupilo ba lobezi mwani. Mane sina hane Ni bulezzi maabani busihu; neba kasamulaho wa kushwa kwa Elisha, mi masapo a hae na lobezi mwa libita, ona mata afa bupilo ani na sali mwa masapo a hae.

<sup>125</sup> Luli, A bonisa kuli Na li Yena. Cwale lu fumana hape, ona cwalo, A paka hape, kuli, mwa Maheberu kauhanyo ya 4 ni timana ya 12, A bonisa kuli Na li Yena Linzwi la Mulimu. Luli na ezize cwalo. Mulemuhe sa Na ezize. Maheberu, 12, Maheberu 4:12 ibulela kuli, “Linzwi la Mulimu li mata hahulu, libuhali kufita mukwale o lozizwe kafa ni kafa, mi—mi hape Lilemuha milelo ni maikuto a mwa pilu.” Mutualime fela fa nako nyana cwale.

<sup>126</sup> Ha Na kalile bulumiwa bwa Hae bwa pili, kasamulaho A taha ku to bonisa kuli Nali yena Linzwi, mi ha Na zwile mwa lihalaupa mwa muliko wa Hae, neku na ni muuna yana bizwa Pitrosi, libizo la hae nako yani neli Simoni. Mi ataha ku Jesu ni munyana hae, Andreasi. Mi amano ya fela fapila Kubateni kwa Jesu Kreste, Jesu ali, “Libizo la hao ki wena Simoni. Mi ndataho ki yena Jonasi. Kuzwa kacenu kuya kwapili uka bizwa Pitrosi.” Sani ne si paka kuli nali yena Linzwi, kakuli Linzwi ki Mulemuhi wa milelo ni maikuto a mwa pilu. Nali yena Linzwi.

<sup>127</sup> Filipi na boni sene si ezahala. A funduka kupotoloha lilundu lani, na sa ile lizazi mutumbi, ni ku yo kuta. Mi a yo taha ni mulikana hae ya bizwa Natanaele. Mi ki hali, “Lika ze luli za ezahala. Mushe naize ‘Mulena Mulimu wa luna uka zusa Mupolofita’ sina yena, mi ki yo fa Muuna yoo. Kiñi, A bulelela Simoni yo nali yena, mane hamoho cwalo ni yo ndatahe nali yena, mi lu ziba kuli Sa bulela ki sa niti. Kakuli, Mulimu na li bulezzi mwa Linzwi, mi fa si pakilwe kuli Na lukela kueza cwalo, mi seo si bonisa kuli yani ki yena Mesia.”

Mi ha yo fita fa Pila a Hae, Jesu ali ku yena, ali, “Amubone mu Isilaele, ya sina bumaswe.”

Ki hali, “Muluti, U ni zibile lili?”

Ali, “Mane Filipi asi ka ku biza kale, ha no sa li mwatasa kota, Ni kuboni.” A bonisa Linzwi la Hae. A bonisa Linzwi la Mulimu. A eza cwalo.

<sup>128</sup> Musali fa lisima, hana nani . . . Kihande, A mu kupa kuli a Mu fe kwa mezi a tubana ya hae ya na sweli ku kisa mezi mwa siliba, mi ki hali, “Ha ki swanelo ku mina Majuda kuli ukupe luna basali ba Masamaria nto ye cwalo yeo, kakuli haluna kutwano.”

Ki hali, “Kono kambe wa ziba Yo ambola ni yena, no ka Ni kupa mezi.”

Musali ali, “Siliba si tungile.”

Mi ngambolo, hane nze i zwelapili cwalo, mafelelezo A fumana seo butata bwa hae nebuli sona. Mi ki Hali, "Zamaya u yo biza muuna hao, mi mutahe kwanu."

Musali ali, "Hanina muuna nihaiba alimuñwi."

Ki hali, "U bulezzi niti, kakuli ubile ni ba ketalizoho, mi yena yo pila ni yena cwale ha ki muuna hao."

<sup>129</sup> "Kiñi," ki hali, "muñaka, Ni lemuha kuli U mupolofita." Musali... "Ha lu si kaba ni yomukana ka myaha ye mianda yemine, mwa ziba." Ali, "Ni lemuha kuli U mupolofita. Cwale, lu ziba kuli Mesia ha ka taha, ya bizwa Kreste, mi Ha taha, U ka lu bulelela lika ze. Seo ikaba sisupo sa Hae."

Mi ha Na ize, "Ki na Ya bulela ni wena," A bonahalisa Linzwi la Hae. Yena... lu lemuha sa Na bulela kuba sona. Nali yena Mesia, Mwana a Mulimu.

<sup>130</sup> Cwale lu fumana cwana, hape, kuli musali nyana yo yana nani butata bwa mweya yoo, yana sweli sapalo sa Hae, sani hape ne si pakile ku yena kuli Nali yena Linzwi la Mulimu.

<sup>131</sup> Cwale muhupule, busihu boo, Jesu naize... Hape, mwa Maheberu, 1, Maheberu kauhanyo ya 3, Na lumela ki yona, Na bulezzi kuli, "Yena cwale ki Muprisita Yomutuna," lusika lo lupila ku lona cwale, "ki Muprisita Yomutuna yainzi mwa Mata a Mulimu, mwa Lihalimu, ya kona ku swalawa ka maikuto a matuku aluna."

Maheberu 13:8 ili, "Ki ya swana, maabani, kacenu, ni kuyakuile." Ki Mulimu ya swana mwa Na inezi nako yani. Ki ya swana ni busihu boo.

<sup>132</sup> Muñoli Joani 14:12, Na ize, "Ya lumela ku Na, misebezi ye Ni eza uka ieza ni yena. Neba zetuna mane ni kufita ze ki za kaeza, kakuli Ni ya Ku Ndate." Mwabona? "Ya lumela ku Na, misebezi ye Ni eza uka ieza ni yena."

<sup>133</sup> Mwa Mateu 28, Na ize, "Fa nako nyana lifasi halina ku Ni bona hape, kono mina mu ka Ni bona, kakuli Ni kaba ni mina mane kuisa kwa mafelelezo a lifasi."

<sup>134</sup> Jesu Kreste ki ya swana maabani, kacenu, ni kuyakuile. U yemi, busihu boo, ku bonahalisa Linzwi la Hae. (Nako yaka ifelile.) Kono A paka kuli Na ka kona. Na pakile Linzwi la Hae fani, sa Na sepisize mwa lizazi lani. U bonisize manzwi a Isaya. U bonisize manzwi a Nuwe. U bonisize manzwi a Mushe. U bonisize manzwi a mupolofita ufi kaufela.

<sup>135</sup> Na sepisize kuli mwa lizazi le, lona lizazi le lupila ku lona, kuli lifasi likaba mwa buino bwa Sodoma, mikwa ya kalombe. Mu li talime fela mwa lifasi kacenu, mwahala lifasi kaufela ko Ni yanga; isiñi kwanu fela, kai ni kai. Ku tata. Mwa Sweden, mitangana ni likalibe liya ka kupahama, bapila mapunu. Mi bona mwa Germany ni mwa France, ni libaka zeñwi kaufela, ki mufuta fela wa lifwakauki ze lunani mo mwa United States.

Ki lusika lwateni. Na, haiba Ni ba ni nako ya kukuta, Ni tabela kuambola fa litaba zeñwi za sipolofita, ku mina, ku mi bonisa kuli, lusika lo lupila ku lona. Bibele i bulezi kuli, “Bana ba ka busa bashemi ba bona.” [Hakuna manzwi fa tepu—Mu.]

<sup>136</sup> . . . Linzwi. Kono, muhupule, Abrahama nana ni peu, yeneli yona peu ili Isaka. Na nani lipeu zeñwi kasamulaho wa lifu la Sarah. Mi nali wa myaha ye mwanda ni mashumi amane ka aketalizoho a kupepwa, a nyala musali yomuñwi, aba ni bana baba supile ba bashimani kwanda basizana, kakuli Mulimu na mu kutisize kwa mucaha yani hanali wa myaha ye mwanda ya kupepwa. Na li fela wa myaha ye fote-faifi, kacwalo he yena. . . Lwa ziba cwalo. Ni kutalize cwalo ku mina mo mwa California, myaha ye fitile.

<sup>137</sup> Mi cwale lu utwisisa kuli Peu ya Abrahama ne si yona peu ya nama ka Sarah, yanali Isaka, ya na eza naha, kono Peu ya silena ne itaha ka sepiso, yeneli yena Jesu Kreste. Mi ka yona Peu yani, A tisa Peu ya silena. Oh, mawi! Cwale lu baprisita ba silena, naha ya silena, naha ye kenile, kufa tumbo ku Mulimu, sitabelo sa milomo yaluna lufa tumbo kwa Libizo la Hae. Mulimu na pakile Linzwi la Hae, A sulula Moya o Kenile fahalimwa luna.

<sup>138</sup> Na ize, “Ona mone ku inezi mwa mazazi a Sodoma, kona mo ku kabela ni ka lizazi fo Mwana mutu ha patululwa.” Cwale kikuli mu lemuhibit? Kuzwa ku Mwana Mulimu, A si ka ba kale Mwana Davida, U i patulula ili Yena hape sina Mwana mutu. Kana mu lemuhibit Mañolo?

<sup>139</sup> Kakuli, Yena kamita u ezanga cwalo, Hakuna sa ezanga konji haiba U si zibahalisa kwa batanga ba Hae bapolofita. Yeo ki niti. Kona sepiso ya Hae mo ne iinezi. Mwabona? Hakuna sa ezanga. . . Mulimu hakoni kupuma. Yena kamita wa li patululanga, pili, A si ka lieza kale.

<sup>140</sup> Mutualime buino bo luli ku bona kacenu. Mutualime fo luinzi. Mañi ni mañi wa mina lu ka itumela kuli lu mwa Sodoma ya cwale. Mu ziba kuli naha ye i mwa butata ka zona. Kuna ni. . . kwahule ni sepo; hakuna puluso ye siyalezi kwa naha ye kamba hakusana naha yeñwi. Lu fitelezi zeo cwalo. Sipolofita se si polofilwe ka sona, si talelelizwe. Mulimu wa bubula, kunga ngu ya mafelelezo yani kaufela ko iinzi. I ka kena mwateni, zazi leliñwi. Lu kwa nako ya maungulo. Mutualime, ka mayemo aswanela.

<sup>141</sup> Na mi kupa, inge fela muzwale kamba kezeli, kuli muyahe fa nako nyana fela fa tumelo lu si ka lapelela kale sicaba se. Mi Ni ziba kuli halu koni kuzwa ka nako yecwani kaufela. Kono Ni—Ni—Ni bata ku kalisa mukoloko wa tapelo, mi mina babana ni kuya mwakona kuya ka nako yeo. Mwabona? Mina baba bata kuina mwa mukoloko wa tapelo mwakona kuina. Kono mutuhele fela, kakuba fela muzwale, ni mi supeze nto yeñwi ku mina fa nako nyana.

<sup>142</sup> Mutualime Jesu, mwa Luka 17:30, mwabona, ha Na bulela fani ka nako ya maungulo, mo ne ba kabela sina mwa mazazi a Nuwe. Mi ki Hali, “Mi sina, ona cwalo, mwa mazazi a Sodoma,” ali, “foo Mwana mutu ha ka patululwa.” Mwana mutu hape, isiñi Mwana Mulimu. “Mwana mutu,” mwabona, seo sitisa mwateni Malaki 4 hape, kukutela hande mwateni. Ona bopolofita bo kaufela bo bu taha mwateni, mo bu lukela ku ezezwa. U bonisa Linzwi la Hae kuba cwalo. Yeo ki niti.

<sup>143</sup> Mi mulemuhe, ka kueza cwalo, ka mwa Na ka sululela kwa Moya wa Hae fahalimwa libupiwa kaufela, ni se si kanga sibaka, mo ku ka kutisezwa lika hape. “Mi bana ba mina babashimaní ni basizana ba ka polofita. Fa batanga ba Ka ba basizana Ni ka sela Moya wa Ka. Mi Ni ka bonisa lisupo mwa lihalimu.”

<sup>144</sup> Nina ni siswaniso fa, sa Muzwale Lee Vayle uteni mo. Ni tabla ku mi bonisa fela sene si ezahalile fa lilandu, zazi leliñwi, fani banana kaufela ba sikolo ha ba lukuluha, ona fapila tuto tuna ye ya kukwalula, Maswayo Asupa ani. Mi bana ba sikolo ha ba lukuluha, ne nili fahalimu fani inge ni lapela, nekuna ni Mulilo mwa mundandwe o no shetumuka, mi ni kukuta ku yo panca, ni kufetuha hape kukutafafasi hape. Sani kona sa Na bulezi za ku yo bulelela sicaba. Luna . . . Ki Zeo foo, koo likolo za Tucson . . . ni ko ne I pahami mwa mbyumbyulu.

<sup>145</sup> Mi sayansi ya kopa maswaniso, ni zeñwi cwalo, ni kubuza ka Zona. Se bali, “Si kai Seo? Ki sikamañi sene si ezahalile?” Habakoni ku li utwisisa, mwabona. Oh, ha li si ka ezahalela mwa kona, ki lizwalo le li unsufezi. Yali kuba . . . Jesu, ha Na li fa, nekuna mi ma milioni a sicaba bene ba sa zibi kuli Na liteni mwa lifasi. Ehe. Ku kaba ma milioni kacenu hasike ku utwisisa, mashumi a ma milioni a bona.

<sup>146</sup> Kono ku kaba, ku bao bo Li lomezwi, ba ka utwisisa. “Baba butali baka ziba Mulimu wa bona mwa lizazi lani, mi ba ka eza ze komokisa.” Lu lemuha cwalo, ka hola ye lupila ku yona cwale.

<sup>147</sup> Mutualime kwa Sodoma cwale, mutualime sene si ezahalile. Na ize, “Sina mo ne kuinezi mwa mazazi a Sodoma.” Nekuna ni sikuwata sa batu bene ba libelela mwana wa sepiso. Lwa lumela cwalo. Yani neli Abrahamu ni sikuwata sa hae. Nekuna ni sikuwata se si enya, Lota, yana sa wile, ibo na li mulumeli; mwani mwa Sodoma. Likwata zetalu za batu.

<sup>148</sup> Kuna ni likwata zetalu zeo kamita. Kama, Sema, sicaba sa Jafeta. Hape, balumeli, balikanyisi ba kulumela, ni baba sa lumeli. Bainzi kai ni kai, mi lu—lu ba fumana mwa sikuwata kaufela. Mi, kai ni kai, mwa ba fumana. Mi likwata zani li sa liteni mo. Muna ni ku alula seo. Mwakona ku li zamaisa hande mwa Mañolo, liswalana hande mwateni.

<sup>149</sup> Muteeleze ku se. Mutualime fo lu inzi, ka mayemo ni ka sipolofita, busihu boo. Cwale, mañi ni mañi wa luna uziba kuli lifasi liinzi mwa buino bwa Sodoma.

Lwa ziba sipolofita kaufela sa Isilaele, si mwa mubu wa sona. Haiba mubata kuziba kuya ka naha fo luyemi, mutualime Isilaele, fo i zamaela.

<sup>150</sup> Haiba nji mubata kuziba buino bwa keleke mo iinezi, mutualime mukwa wa basali mo ba ezeza. Ki yona keleke. Mu ibone, ka mweelembo, kusina buiswalo; mutualime, mutualime keleke fo iinezi. Mutualime zateni fela, mwabona, mwabona, mutualime fela basali. Mwa bona foo, ka mo basali bahenu mo ba yundela mwa buino ni kuba baba silafezi hahulu, kona ni keleke ya mina mo iinezi, mwabona, mufuta wateni.

<sup>151</sup> Mutualime fo kuinzi Isilaele, mubone nako ya fo luinzi. Mwabona, mutualime fela lisupo zani ni ze komokisa. Haiba mina—haiba mina, kamba haiba meeto a mina a kwaluhile, mubone fo lu inzi.

<sup>152</sup> Cwale mutualime hande ka swanelo fo luinzi, lifasi mwa buino bwa Sodoma. Cwale mulemuhe, “sina mo ne kuinezi.” Cwale mulemuhe, nekuna ni mutu, mwa lizazi lani, yana libelela mwana wa sepiso. Abrahama ni Sarah, neba libelela mwana wa sepiso mwa sikwata sa Abrahama. Ne ba si mwa Sodoma. Kono ka yona nako fela, kauhanyo ya mafelelezo ya kezahalo, fani mwana wa sepiso asika taha kale, nekuna ni batu babalalu bene ba zwile kwa Lihalimu, neli Lingeloi... Mangeloi amabeli ni Mulimu. Mi ba taha ku to ambola ni Abrahama, mwataso oke. Kana ki niti yeo? Mi bababeli ba bona bakena mwa Sodoma ni ku yo nyaza libi za muleneñi. Mi neli fela ku si ka tuka kale lifasi la Bamacaba, ka nako yani. Sodoma kaufela ya yundelela ona fani. Ki basikai fela be ne ba pilile mwateni, Lota ni bana ba hae bababeli basizana. Musala hae na si ka kwanisa mane; na itemunile. Mo Ni lakaleza kuba fela ni nako ya ku mi bonisa zeo ona fa cwale, fo kuyemi keleke yani fa mayemo ani. Ni bata kuli mulemuhe cwale.

<sup>153</sup> Mi Muuna alimuñwi aina kwa mulaho, yana ambola ni Abrahama, mi A eza sisupo ku Abrahama. Mi, mutualime, Abrahama na boni Mulimu mwa lisupo zeñata zetuna. Lwa lumela cwalo, nji cwani? Bukaufi ni kutaha kwa mwana. Kono mwana asika bonahala kale, nekuna ni sisupo sa na filwe.

<sup>154</sup> Kakuli, Mwana, yena Mwana wa niti, na lukela kuba Mwana Mulimu, ka tumelo ya Abrahama, mwabona, neli Jesu. Luna ka kuba peu ya Abrahama, lu shwile ku Kreste, lu peu ya Abrahama.

<sup>155</sup> Mulemuhe cwale sani si sika ezahala kale, mwana yo kuli atahe. Cwale, yo Yena ya na inzi imza ambola ni Abrahama, na sikululezi mukokoto wa Hae kwa tende, mi ki Hali, “Abrahama.” Cwale, lizazi fela la kwa mulahi wa fani, nali Abrame. Cwale ki Hali, “Abrahama, ukai musala hao, Sarah?” Isiñi Sarra, S-a-r-r-a. S-a-r-a-h, mukwae. “Ukai musala hao, Sarah?”

Ali, “U inzi mwa tende kwa mulaho wa Hao.”

<sup>156</sup> Ki hali, “Ni ka ku potela, mwabona, kuya ka sepiyo ya Ka ye ne Ni kufile.” Ka manzwi amanwi, “Nako ya bupilo, Sarah uka kalisa mwa nako ya hae fela ya bupilo hape.”

<sup>157</sup> Mi Sarah, kakuba ya supezi, wa myaha ye mwanda ya kupepwa cwale, mwa tende, asehela mwa pilu. Mwabona, a menya ali anosi, ali, “Kana Muuna yani ukona kubulela cwani niti? Mwabona, na nili musali muhulu, mulena na ka Abrahama fande fani, ni yena u supezi, ku kopana kwa miseme ne se ku felile kale hala lilimo.” Ali, “Kana Ni kona cwani kuba ni munyaka hape ku mulena ka? Yena kakuba ya supezi, ni na ni supezi muumbulu, ni fitelezi kupepa, misinga ya mabis i omelezi, kaufela... ‘U omelezi kaufela.’ Kana lukona kuba cwani ni munyaka hape?”

<sup>158</sup> Mi Muuna yani, ni mukokoto wa Hae a fulalezi kwa tende, ali, “Kiñi Sarah ha sehile, ali, ‘Lika ze likona kuba cwani?’” Neli sikamañi sani? Temuhu, ili sipolofita! Mwabona? Mwabona? Kona sa na boni.

<sup>159</sup> Cwale Yena ali, “Sani si ka kuta hape, mi Mwana mutu,” yanali yena yani, yani neli Mwana mutu ona fani. Kihande, a Mu biza kuli Elohim, “Mulena Mulimu.” Elohim, mutu kaufela u ziba kuli yeo ki niti, Elohim ki yena Mulena Mulimu. “Kwa simuluho Elohim na bupile lihalimu ni lifasi,” yena Yamata kaufela. Mwana mutu ya ezizwe nama, kwani Na yemi fani mwa mubili ka nako yani, sina mubili wa bungeloi, inza yemi fani ka ku lemuha sa na bulela Sarah mwa tende kwa mulaho wa Hae. A sepisa. Mutualime. Peu ya Bulena ya Abrahama i sepisizwe kubona yona taba yeswana yani.

<sup>160</sup> Kono mulemuhe Lota, nana ni mulumiwa kwani, niyena, bababeli ba bona nebaile kwateri. Alimuñwi wa bona aya inza shetumuka, mi yomuñwi a ya ni yena, mi ba kutaza ni kubiza sicaba kuli si sabe kwa buhali bo ne bu taha.

<sup>161</sup> Kuya ka mayemo, lifasi ha li si ka ba kale mwa mayemo ao, kuzwa ka lizazi lani lana file sepiyo yeo Jesu, kufitela cwale. Ni bata kubuza mutu wa litaba za kale kaufela ya kona kuba mwa muyaho, kamba haiba mu utwa neba fa tepu ye, ni ku i teezeza ka nako kaufela, shangwe muni ñolele. Ni balile litaba za kale cwale ka myaha ye mashumi amalalu cwale, litaba za kale za Bibe, mi ha ku si kaba kale mutu yo Ni kile nabona mwa litaba za kale kaufela za keleke, mwahala masika a likeleke zesupa. Kuli se luli mwa Laodesia cwale, mi lwa ziba cwalo.

<sup>162</sup> Kwali kuba kube mulumiwa, yakile aya kwa keleke kaufela, wa libizo le lifela ka litaku za h-a-m, kufitela cwale. G-r-a-h-a-m, Billy Graham. Kubile bo Moody, Finney, Sankey, Knox, Luther, ni babañwi cwalo, kono kwali kuba ku be wa h-a-m, “ndatahe macaba.” Cwale muhupule, yena ki G-r-a-h-a-m, litaku ze silezi. Kono A-b-r-a-h-a-m ki litaku ze supa. Mulemuhe, bateni kwani, Billy Graham, bakena mwa—

mwa libaka kaufela za lifasi, ni kubiza kuzwa mwa Sodoma, "Amuzwe, musabe buhali bo bu taha." Hakuna mutu yo Ni ziba, mwa simu, ya sweli za Mulimu, fa linzwi la kuluka lani, sina Billy Graham mwa ezeza. Wa kona ku li tahisa. Ha ki muituti wa za bulapeli mane... Ni sepa kuli ki muituti wa za bulapeli, kono ha ki muluti ya mata hahulu. Kono Mulimu una ni yena. Muuna yani uka yema fani ni tuto yeswana fela sina ya sikolo sa la Sunda, abuluke sicaba sani sali kumbwetuka. Ki mutanga wa Mulimu wa nako ye. Ku bomañi? Keleke ya nama, ye li mwa Sodoma.

<sup>163</sup> Kono muhupule, nekuna ni keleke iliñwi ya moyo, yene si yo mwa buino bwa kopano bwani, mane. Sikwata se si bizizwe, mi ba amuhela liñusa, hape, ni mulumiwa. Mi neli sikamañi sani? Neli kulemuha milelo yeneli mwa pilu. Mulimu kamita u bonahalisanga Linzwi la Hae.

<sup>164</sup> Halu lapeleni. Ndate Yomunde wa Lihalimu, yona nako yetata ye, foo buiketelo bu lukela kueziwa, nako se i cibilika, ha lu zibi hola yakona kutaha ka yona Mulena luna. Mi sina ha lu bona sipolofita se si filwe ka Yena, ka bapolofita ba Hao mwahala masika, cwale si sweli sa putuluha. O Mulimu, ka mo Ni itumela ka se, kuli neba batu baba sa tibile ku za—za tuto ya bulapeli, baba kona kuyema kulwaniso za lifasi ni baba sa lumeli, mi fa mayemo a, ni kufitelela kukakanya kaufela ba yema fani ka bundume ni ka kutiya, ka kuziba fo ba yemi ni kubonisa kuli Linzwi ki la niti, ka Mañolo. Mi cwale luna baba libelezi Kutaha kwa Hao, Mulena, lunze lu lumela lika zeñwi ze sepisizwe ze ka ezahala, ka kuyema ni kuikola ku Kukubona uzamaya mwahala luna ni kueza lika luli zo No buleli kuli li ka ezahala, kubonahalisa Linzwi la Hao kuba le li lukile. Mulimu wa Kamita, bana ba Hao baba kula bateñi mo.

<sup>165</sup> Hani zibi kuli luna ni nako yekuma kai ye lu lukela kubeleka. Lizazi la manzibwana la likela. Kono U sepisize, ku mupolofita kuli, "Kukaba Liseli ka nako ya manzibwana." Mi lubona kuli lizazi le li swana le li pazulela kwa upa, ki lona le li likelelanga kwa wiko. Zwelopili izamaile ni lizazi mi cwale lu kwa Likamba la Wiko, mi Evangel i zamaile hamono ni zwelopili. Cwale, Ndate, lu ziba kuli a ki mafelelezo a Evangel, mafelelezo a nako, mafelelezo a lusika. A felela mwa Kuyakuile. Kono U sepisize kuli Mwana uka taha, Mwana mutu uka patululwa. Mwa mazazi a maungulo, se si ka ezahala. Maseli a manzibwana atile, Ndate. Lwa itumela ku Wena ka zeo. Mi ka buikokobezo ka mo siinezi, ibo U li eza ka bunolo, linako zeñata, kuli mane lifitelela fahalimwa babatuna, bona baba ipiza kuli bo caziba ba minahano, mi u li patululela kwa limbututu zekona kuituta.

<sup>166</sup> Na lapela, Mulimu, kuli U li eze kuba cwalo, busihu boo, kuli bana ba Hao baba kula mo ba bone sepiso ya Mulimu, mi mañi ni mañi wa bona ba foliwe, mi bazwe mo, kamuso, ka mibili yeminca yetiile, mi babe hande hape. Lumeleza cwalo, Mulena,

kuli bashimbulule Liñusa kuzwa ku yo ni kuya ku yomuñwi, kufitela yani wa mafelelezo aba mwa mulaka, mi kipeto minyako ika kwaliliwa. Lu tuse, Mulimu yomunde. Na Ku kupa, busihu cwana, fapila litaba ze kaufela, haiba Uka lumeleza fela hañwi, Ndate, ku na.

<sup>167</sup> Ne—ne ku bonahalile, busihu bobuñwi, sicaba ne si si ka li lemuha hahulu. Kono, Na lapela, ha li ezahale hape busihu boo, Mulena. Kakuli, Ni fitelezi nako yaka ya kubulela, kono ha Ni sa ziba kuli ku sa na ni nako yekuma kai hape ye luna ni kueza se. Kacwalo, Na lapela, Ndate, kuli U ni utwe? Ni kuutwa tapelo ya baana ba bumulimu ba ni basali babaliteni mo busihu cwana, baba talizwe ka Moya wa Hao. Ki balumeli, Mulena, Wakona kubeleka fela mwahala bona. Mi luna . . . Ni lapela kuli U pake Linzwi la Hao leo U bulezi, “Ya lumela ku Na, misebezi ye Ni eza uka ieza ni yena.” Ha kube cwalo hape, Jesu, ka kupaka kuli U yaswana maabani, kacenu, ni kuyakuile. Ni kupa kwa kanya ya Mulimu, ka Libizo la Mwana Hae, Jesu Kreste. Amen.

<sup>168</sup> Cwale, fa nako nyana fela, Ni bata kuziba kuli ki batu babakai mwahali mo babana ni makadi a litapelo. Ni—Ni bata kuli munanule mazoho a mina, mañi ni mañi wa mina yana ni makadi a litapelo. Kihande, ki kai ni kai, Na sepa, mane ki kaufela kona fela.

<sup>169</sup> Hani zibi kuli ki batu babakai mwahali mo babasina makadi a litapelo, kono mwa kula, kana muka nanula mazoho a mina ni kubulela kuli, “Hanina kadi ya tapelo, kono ibo Na kula. Ni tokwile.”

<sup>170</sup> Ni bata ku mi kupa kuli mube ka likute fa nako nyana. Cwale, Ni lata kuambola ku mina. Boo kona butata bwaka kamita, Ni bulelanga hahulu nako yetelele. Kono mu si ka taha kale, Ni—Ni sepa cwana kuli Mulimu uka bonisa seo ni se Ni bulezi kuba Niti, mi mutuhele—mutuhele Yena abone fela.

Cwale, ki babakai baba inzi kwande koo baba kula, baba ziba kuli ha Ni zibi neba nto iliñwi ka mina, mu nanule mazoho a mina. Amatalime fela ku zeo. Ku lukile.

Ni bata mina musina makadi a litapelo cwale. Makadi a tapelo aka bizwa. Ni bata kuli mulapele.

<sup>171</sup> Bibele ibulezi kuli, “Jesu Kreste ki ya swana maabani, kacenu, ni kuyakuile.” U ize, “Ki Muprisita Yomutuna yainzi fani inza lu kupela ka buipuleli bwa luna.” Luna ni ku si bulela pili, mane A si ka ba kale Muprisita Yomutuna, kakuli Yena u lapelela fela buipuleli bwa luna. Kana ku cwalo, mizwale ba bakutazi? Mwabona, yena ulapelela fela ka buipuleli bwa luna, se lu bulela kuli kona Sa li sona, Sa lu ezelize kale. Isiñi sa Ka eza *kwapili*. U si ezize kale. Luna ni kuipulela kuli U si ezize kale. “Na titikezwi bumaswe bwa luna, ka miupa ya Hae nelu folisizwe.”

<sup>172</sup> Cwale, Ndate yakwa Lihalimu wa ziba. Mi ha ni mi talimile, ni bona kuli Ni lemuha mulikana ka yomunde yazwa kwa Ohio, yena ni musala hae baba inzi fa, ki Bo. Dauch ni musala hae. Mi Na lumela, ya inzi wa bubeli kamba wa bulalu kuzwa ku bona, hape ki yena Revurendi yani, Bo. Blair yene Ni boni maabani busihu. Ku unsufezi mwa sicaba, ku na, bakeñisa maseli a kwanu abonahala ku ni fata cwalo, mi Ha—Ha ni mi boni hande.

<sup>173</sup> Kono Ni bata kuli mu lapele. Mi mubeya mwa pilu ya mina lika ze mu tokwa, mi u buze Muprisita wa luna Yomutuna, Ya kona ku swalawa ka maikuto a matuku a luna.

<sup>174</sup> Cwale, na ni sa mi zibi, mi mane mwakona fela ku ni swalaka mubili kaufela, ikona kuba inge kuswala muzwale wa hao, muuna hao, mulisana wa hao, yomuñwi fela, haikoni—haikoni kuba nto yende mane. Kono haiba u Mu swala yena, mi haiba luli lu mwa sikuka hande sa Moya wa Hae, kipeto Wa kona ku itusisa tumelo ya hao ku Mu swala, ni mpo yaka kuli abulele ka yona.

<sup>175</sup> Mwabona, Ni kona kuba fela yakuzize sina cwana, se siteni *fa*, kusina linzwi le li bulela ka sona. Ku lukela kuba . . . Se, se si ka ikuzeza hakusina sika fa se si bulela ku sona. Mi kona mwa inezni ni mutu kaufela, ki simumu, ha li taha kwa litaba zee, konji haiba Mulimu abulele ka bona.

<sup>176</sup> Cwale mu lapele, mi halu boneñi haiba lika ze Ni bulezi ki za niti. Mulimu atuse kuba cwalo. Ha ni buleli kuli Uka eza cwalo. Ni sepa kuli Aeze ona cwalo. Ni sepa kuli Uka eza cwalo. Ha si ka ni tuhelela kale, mwahala myaha, kusila ni kupotoloha lifasi, ni mifuta kaufela ya linaha, ni ma milioni a batu. Ha si ka ni palelwa kale fateni. Mi Na ziba hande, kuya fela ka mo Ni lumelela ni ha Ni yemi fa, Haana ku ni palelwa cwale.

<sup>177</sup> Ni ka mi kupa fela kuli mube ka likute ni kuina, fa nako nyana fela. Lu ka lukulula sicaba se sesiñwi ni kulapelela bakuli, fa nako nyana fela.

<sup>178</sup> Kono Ni bata kuli mina, mina balumeli, kuli haiba ha mu talimi fela ku na, kono mulumele. Kuli, “Ni lumela kuli sa bulezi muuna yo ki sa Mañolo. Ha ni zibi ka mo luinezi cwana mwa nako ya bulela kuli lupila ku yona. Kono, haiba ku cona, kona kuli sina ni kuezahala. Haiba Manzwi a hae ki Manzwi a Mulimu, kipeto, manzwi a hae aka palelwa kono Manzwi a Mulimu haana kupalelwa.”

<sup>179</sup> Mulimu utamehile kuyemela Linzwi la Hae. U ka Libonahalisa. Uka Li bonahalisa. “Ya lumela ku Na.” Na bonisize kuli le kona lizazi la maungulo. Na pakile se ne si ka ezahala. Na pakile kuli se ne si lukela ku ezahala.

<sup>180</sup> Mi, muhupule, Abrahama ni sikhwata sa hae ne ba si ka amuhela sisupo nihaiba silisiñwi kuzwa ku Mulimu, kufitela mwana wa sepiso a fita. Ki babakai baba ziba kuli yeo ki niti? Sisupo sa temuho sani! Mi ni Peu ya Abrahama ya bulena,

nibata ku mi utwa... Haluboneñi ni mi bulelele, SA BULELA MULENA KISONA, mu sweli ku amuhela sisupo sa mina sa mafelelezo. Zeo ki kuya ka Mañolo ni sinulo ya Mulimu ye li mwa pilu yaka, ye bulela kuli ye kona Niti. Mi Ni sepa kuli mu ka lumela kuba Niti.

<sup>181</sup> Cwale mwa lumela. Mañi ni mañi mulumele fela, muli, "Mulena Jesu, tuhela ni Ku swale. Ni na ni se ni tokwile mwa pilu, mi Ni ziba kuli Muzwale Branham hakuna sa ziba ka na. Na mane ha ni mu zibi muuna wateni, ha ni zibi ni yena, kono Wena wa ni ziba. Mi haiba u ni bulelezi Niti, se si ka ezahala." Na mi kupa, musike mwa shenya cwale, fa nako nyana fela. Mube ba niti...

Mwabona, mu libupiwa za moya. Mi Ni beya moya kaufela oli mwahali mo mwatasa zamaiso yaka, ka Libizo la Jesu Kreste, kuli Linzwi la Hae likone kutalelezwa.

Cwale mube fela ka likute. Mulapele. Mutualime ku Yena, muli, "Mulena, Na lumela cwalo. U tuse ku sa lumela kwaka."

Ha lu kaliseñi. Ni lukela kuiseza ngana fa siemba sesiñwi sa muyaho wo, kakuli, mwabona, buñata bwa mina, mi mañi ni mañi wa mina mu mioya.

<sup>182</sup> Na hanikoni. Mu li, "Kucwani ka na?" Ha ni koni ku mibulelela. Ki ze ipitezi. Misebezi ya Mulimu kaufela iipitezi. Ku kaba batu babañata baba ka foliswa kwapili kwanu, busihu cwana, ku kaba ni babañwi babañata babasike bafola. Kaufela zeo li mwa buicemeli bwa Mulimu. Kimañi ya ka Mu bulelela sa kueza? Hakuna. U beleka kuya ka tato ya Hae Anosi, mulelo wa Hae Tota.

<sup>183</sup> Kono mu lumele fela. Mu ikokobeze. Musike mwa ikalelwa. Mu sutelele fela ku Mulimu, ni kubulela kuli, "Mulena Mulimu, Na lumela cwalo." Mwabona? "Tuhela ni swale siapalo sa Hao. Ni tokwa sa *kuli-ni-kuli*. Ni ziba kuli muzwale ha ni zibi kamba neba kuziba ze ni tokwa, kono u lu bulelezi litaba Zo ezize ze, ni kubulela kuli Wena wa swana ni kacenu."

<sup>184</sup> Seo ha si beyi kwateni ni mina mizwale babali kwanu kwa katala, ufi wa mina kaufela. Ni mi buza fela, mizwale baka, sina balikani ba—ba Evangelí ya Kreste. Ni bulela ku mina ka kusepahala fela mo Ni zibela, kakuba mu—mu mutu ya shwa ni mina, mwabona, kusiya lifasi le. Lu swanelia ku zwa. Mi Ni swanelia ku yo ikalabela ka Lizazi la Katulo, ka se Ni bulela. Na ziba ona cwalo, kinto yeni ziba hande. Mi Na i tumela ku mina baana, seo muli sona, baba yemi ni na, inge mu ni tusa. Ni lika ku mi tusa, kueza sika kaufela se Ni kona, bakeñisa Mubuso wa Mulimu.

Na lapela ni kukupa.

Fa, ki babakai babakile babona Liseli lani mwa siswaniso? Mu si boni fateni siswani Sani? Ki sani sa lepelela *fani*. Kana ha mu Si boni nji?

<sup>185</sup> Si pahekilwe fahalimu a kalibe ya inzi ni taulo ya hae. U sweli kulapelela mulatiwa wa hae. Yeo ki niti, kalibe. Mulatiwa yani... Kana wa ni lumela kuba mupolofita wa Hae, kamba ni swalele, mutanga Hae? [Kezeli uli, "Na luli na lumela."—Mu.] Mwa lumela cwalo? Ku lukile. Cwale, haiba Mulimu wakona kupatulula kuna se si fosahalile, kiñi, u ka li amuhela kuba le li zwa ku Mulimu, inge fela musali yana sweli sapalo sa Hae? Cwale, u ziba kuli unezi—unezi fahule ka liñokolwa ze mashumi amabeli kamba amalalu kuzwa kuna, kamba kufitelela, ha u si ka ni swala. Kono u sweli Sesiñwi, seo u ziba kuli uswalani ni nto Yeñwi, ki Mutu. Seo sili sona, ki sa musali, yali mwana hao wa musizana. Yeo ki niti. Kana u lumela kuli uka foliswa? Ki ya twaezi milyani. Yeo luli ki niti. Na mu bona inza sweli kutapa, ki cakolwa. Mwabona? Cwale, taulo yo nani mwa lizoho la hao, u mubeye yona fa halimu, mi usike wa kakanya. Ni lumela kuli Mulimu uka mu lamulela. Kana uka lumela nina? Amen.

Cwale, ha Ni muzibi musali yo, kono Mulimu wa mu ziba. Kana mwa lumela cwale ka lipilu za mina kaufela?

<sup>186</sup> Muuna yainezi bukaufi ni yena wa hembe ya mibalabala, una ni mutuba, u lumela kuli Mulimu uka ku folisa ni kukueza hande? Kana u lumela kuli Uka eza cwalo? Nali kuba ni bone muuna yo mwa bupilo bwaka. Una ni kadi ya tapelo, sha? [Muzwale uli, "Batili, Ha ni na."—Mu.] Hauna yona? Ha u tokwi iliñwi.

"Haiba ukona fela kulumela!"

<sup>187</sup> Ki yo fa musali ya lika kutilima fa toho ya musali yainezi fa yoo. Ki muenyi ku na. Kono yena u ikalezwi maswe. Ha ni mu zibi. Nali kuba ni mubone fateni, mwa bupilo bwaka. Kono Mulimu wa mu ziba, mi ulemuha onafa cwale kuli utamahani ni Sesiñwi. U bile u lapela ka butata bobuñwi. Libaka lo bezi cwalo, haukonи kupila hape kufitelela busihu boo. U swanela kuzwa mwa mukopano. U lika kuya kwa lapa la hao, kamuso. Ha u zweleli kwanu, kamba mane ha u zwi neba kwa California. Uya kwa neku la upa ha uzwa kwanu. U ya ka fulai. Usweli ku lela, kuya ka mbyumbyulu mwa fulai. U zwelela kwa Oklahoma. Eehe. Yeo ki niti.

<sup>188</sup> Ni wena hape u mwa buino bo bushwa. U tile kwanu ku to lapelelwa. Hauna kadi ya tapelo. Kono u lumela kuli uka foliswa, ha no ka fita fela kwanu. Yeo ki niti. Hape, buino bwa hao ki kansa. Kansa yeo i inezi mwa lisapo. Kana u lumela kuli uka foliswa cwale? Wa lumela kuli u tamahani ni Yena, kezela ka? Mwendi Mulimu uka ni bulelela yo uli yena, kona kuli seo si ka kutusa nji? Haiba ku cwalo, nanula lizoho la hao haiba u lumela

cwalo, kuli (Mulimu) u ka kutusa. Ku lukile, musala Bo. Steel, wa kona kukuta kwa Oklahoma.

Ha ni muzibi kalibe yani. Nali kuba ni mubone fateni.

<sup>189</sup> Ki yo fa kezeli ya inezi kwa mulaho wa hae ki sibofu. U katazwa ki misinga ye yemi bakenisa mali. Mi hape una ni mwana wa mushimani yali cakolwa, mi usweli ku mu lapelela. Haiba uka lumela, wakona kufoliswa. Musala Bo. Mason, kikuli uka lumela ka pilu ya hao kaufela, ni kulumela kuli Jesu Kreste uka lumeleza foliso ku wena? Wa lumela?

Ku lukile, konakuli beya lizoho la hao ku kalibe yainzi bukaufi ni wena foo, usweli ku lapelela muuna hae ya si ka piliswa. Mulimu uka lumeleza foliso.

Halu lapeleni.

<sup>190</sup> Mulimu Yomunde, Ni lapela kuli U alabe mbuyoti yeo ku yena. Ufe musali yoo takazo ya pilu ya hae, Mulena. Tumelo ya hae se i sutelezi hahulu bukaufi ku Wena, i sweli Wena. Mi Na lapela, Ndate, kuli U tuse, ka Libizo la Jesu. Amen.

Cwale u lumele ka pilu ya hao kaufela, kuli u i amuhele. Kana uka eza cwalo? Ku lukile. Mulimu aku fuyole.

Kana wa lumela kuli bo muuna hao ba ka piliswa, kalibe? Kana u lumela ka pilu ya hao kaufela? Nanula lizoho la hao, wa lumela.

<sup>191</sup> Ku bonahala kuba, fapila ka, musali yomukima hahulu. Ki yani uinzi fani. Wa ni lumela kuba mutanga Mulimu? U ni lumela kuli ni mutanga Mulimu? Wa lumela. Ku lukile. Ha ni ku zibi. Butata bwa hao seo buli sona, ki lilama za mwahala litalo. U yo mukima hahulu. Ubile ku dokota, na bulezi kuli hakuna sa na ka eza ka zona, kono yani neli dokota wa lifasi. Mwabona? Za . . . U bile fela ni maswabi amatuna. U siamezi ki muuna hao. Ha uzweleli kwanu. Luli u zwa kwa Arkansas. U bata musebezi, hape, mi ha ukoni kufumana musebezi. No saba kuli, sesiñwi, hauna ku bizwa. Kono tumelo ya hao cwale i sweli Mulimu. Kezela ka, zamaya, ulumele. Mulimu akufe musebezi, akufe takazo ya pilu ya hao.

Mulimu upaka Linzwi la Hae kuba la niti. Kana u lumela zeo kuba cwalo? Cwale Ni bata fela kuli u lapele nina hape.

<sup>192</sup> Mulimu Ndate, Wena u Mulimu ya swana yana li bonisize. Ha U bulela kuli, "Musizana yo u shwile, u lobezi fela," kona kuli U ka li eza. Cwale, U sepisize, kuli bukaufi fela ni kutaha kwa nako ya maungulo, kuli Mwana mutu uka i patulula ili Yena ka mukwa o swana wa Na ezize kwa Sodoma. No sepisize cwalo, Mulena. Cwale U tile mwa lifasi, mwa mufuta wa Moya o Kenile, mi utile mwahala luna, busihu boo, luna sicaba se si lumela, mi lu bonisize cwalo. U pakile Linzwi la Hao sina mo No ezelize ka zazi lani. Mulena, ha lu tokwi bupaki ni hanyinyani. Wena uinzi mwahala luna. Lwa Ku lata. Mi lu lemuha kuli se kona sisupo sa

mafelelezo bukaufi fela ni Kutaha kwa Hao, kuya ka Mañolo. Mi miluti kaufela ni mifuta halina kufela. Lina ni kuba za niti.

<sup>193</sup> Kacwalo lwa lapela, Ndate, sina bana ba Hao haba taha cwale ku to lapelelwa, kuli mañi ni mañi a foliswe. Kusike kwaba mutu ya kula ya ka siyala mwahala luna, kwa mafelelezo a sebelezo ya foliso ye. O Mulimu yomunde, lumeleza kuli tozo ya Hao ibe ye musa hahulu fa sicaba sa Hao onafa cwale, kuli mañi ni mañi wa bona a foliswe?

<sup>194</sup> Mi haiba kuna ni babañwi mo, baba si bana ba Hao pili, mi ka mayemo a lika ze, kuli... Ba utwile Linzwi ni kubona nto ye ezahala, li pakiwa fela hande kuya ka litaku zateni, mi Yo uli Yena ni Seo uli sona, kuli Utensi mo.

<sup>195</sup> Mi, Mulena, kana U—kikuli U ka fuyola buhata? Kiñi, batili kutokwa, Mulena. Kono No sepisize ku fuyola Linzwi la Hao, mi ne Li sike za kuta mukungulu. Li ka feleleza se Li lomezwi ka mulelo wateni. Mi cwale U ezize kale zeo ku luna, busihu boo, kusina nihaiba muluti wa kukakanya.

<sup>196</sup> Mi ka litoho zaluna ze inami, kana kuna ni sicaba mo se si si ka lumela kale fateni, baba ka lata kunanula mazoho a bona? Ni litoho za mina ze inami, mu nanule fela lizoho la mina. Mi yema ka mahutu, ni kubulela kuli, "Na lumela cwale, ka pilu yaka kaufela. Mi Ni bata kuamuhela Jesu Kreste, ona fa cwale." Kana muka eza cwalo, sicaba kaufela, batu kaufela babali mo, baba si ka amuhela kale Kreste, mi mu tabela kueza cwalo ka nako ye? Hanina ku mi bulelela... U zamaye kwa keleke ya keto ya hao. Kono Ni ku kupa kuli u amuhele Jesu Kreste ha unze uli... Hamuna kuba bukaufi ni Yena kufitela mu Mubona ka butu ha taha mwa mibili wa Hae o ka bonahala u zwa kwa Lihalimu. Kikuli mu ka Mu amuhela cwale haiba ha mu si ka eza kale cwalo?

<sup>197</sup> Ka mayemo a kubona kuli hakuna ya yemi fa, Na lumela cwale kaufela mina kuli muiketile, mu sicaba se si nahana hande, mi mwa ziba se musweli kueza. Haiba muinzi foo mwatasi a se, mu hupule, "Haiba mwa Ni swabela fapila batu, Ni ka mi swabela fa Pila Ndate." Nekuna ni mutu yana yemi, mwendi, eeni, mwahala sicaba, kwa mulaho.

<sup>198</sup> Mulimu Yomunde, bao ni bona, Ha ni boni, baba yemi, ba bata ku Ku amuhela. Ba lemuha, Mulena, kuli se ha si si ka ezahala ka nako ye, mi cwale U si yemele ni kubonisa kuli ku cwalo. Na lapela, Ndate, kuli mwa lipilu zabona, ze tahile ka bunca ka nako ye... Kana lu ziba cwani yo ki yena mutu wa mafelelezo ya ka kena? A akona kuba mafelelezo a Los Angeles. Wo ikona kuba moyo wa mafelelezo o ka pepwa mwa Mubuso. Ha lu zibi fo ku ka tela nako yani. Mi ha i taha, sikwalo si ka kwaliwa, Mubili wateni u ka kwanelela. Hauna kuba Mubili o fokola kamba Munyaliwa ya fokola. Ukaba fela ni ma membala babañata hahulu be mabizo abona na beilwe mwa Buka ya

Bupilo ya Ngunyana ku si kaba kale mutomo wa lifasi, ili koo Jesu natezi ku to nga, sina Adama, ataha ku to pilisa musala hae. Na lapela, Mulimu, kuli U ba amuhele cwale mwa Mubuso wa Hao. Bainzi mwa mazoho a Hao. Ba talimane ni bona, Mulena, Na lapela ka Libizo la Jesu. Amen.

<sup>199</sup> Mulimu a fuyole mañi ni mañi wa mina ba ba yemi. Ne nisa zibi kuli babañwi ba mina ne mu yemi. Babañwi ne ba yemi kwa mulaho, babañwi fa halimu. Cwale Ni bata kuli mu ni ezeze nto iliñwi. Shangwe amu ni utwisise. Mukopane ni mukutazi fa mi muamble ni yena, kasamulaho wa keleke ifela. Kana mu ka eza cwalo? Musike mwa itibala. Haiba wa li kuba u kolobezwe mwa kolobezo ya Bukreste, u eze cwalo nako yetatama, mi kipeto munulele mazoho a mina mwahalimu kufitela mu amuhela Moya o Kenile.

<sup>200</sup> Cwale, mi batu babañata bana ni makadi a litapelo moo. Lu ka ba kupa kuli ba yema, ni kutaha kwanu, mi Ni sepa kuli ba ka taha kwanu. Kamba kikuli Ni tahe... [Muzwale uli, "Batili."—Mu.] Hanina kukona. ["Taha kwa neku le kwanu."] Kuzwa neku *le* kwanu, mwa kona kutaha ka nzila ye, kwa neku le, batu babana ni makadi a litapelo.

<sup>201</sup> Mi cwale haiba kuna ni yomuñwi wa mina ya lukela ku ya, ki... Ni liyehile. Mu ni swalele. Ni ka lika kueza hande kamuso busihu. Fa... seli mizuzu yelishumi kasamulaho wa teni, fa waci ya fa limota. Ni itumezi hahulu ka kutaha kwa hao busihu boo, mi cwale Mulimu wa Lihalimu ami fuyole. Haiba mutabela kuina ni kubona mukoloko wa litapelo, mu amuhezwi nako kaufela. Kono luka kala ku lapelela bakuli cwale, mi ha Ni lati ku mi buluka konji haiba mubata kuina. Mu lukuluhile ka Libizo la Mulena Jesu. Mi kozo ya Mulimu ibe ni mina mi imi fuyole, ni ku mifa pumulo mwa mibili ya mina, mwahala busihu, mi ami fe buiketo hande kuli mu yo kuta hape kamuso busihu. Mulimu abe ni mina cwale.

<sup>202</sup> Mi cwale bona babana ni makadi a litapelo bayeme kwa tapelo cwale, sina ka swalisanmo lu ka lapelela sicaba. Cwale lu bata kuli muzibe, cwale, mina baba yemi ni kadi ya tapelo, kana kuna ni kukakanya mwa bupilo bwa mina? Kana kuna ni sesiñwi, mu ni swalele, sibi kaufela mwa bupilo bwa hao so si ka ipulela kale? Haiba siteni, alubone ni ku buze cwana. Usike wa taha mwa mukoloko wa tapelo ni sibi se si si ka bakelwa mwa pilu ya hao. Kakuli, mu lukela kuba... Se ki sinkwa sa bana, mwabona. Mi haiba ha u Mukreste, fa bupilo bwa hao ku Kreste, mwa mukoloko wa tapelo, kutuha foo utahe. Ki za mulumeli. Kikuli muka eza cwalo? Aku Mu amuhele pili kuba Mupulusi wa hao, mi kipeto utahe kwa katala, ku to lapelelwa.

<sup>203</sup> Cwale Ni ka lapelela mutu kaufela; isiñi fela ku ba fitelela, sina mufuta wa kamita fela cwalo. Lu mwa keleke cwale. Ni sepa kuli Kezeli Wyatt u lufile libaka le lukona kuina ni kulapela.

[Muzwale uli, “Eeni, busihu kaufela, kuya fela mo batela.”—Mu.] Lwa kona kuina nako yetelele mo lu latela. Mi Ni itumela ku Kezeli Wyatt ni babeleki kwani, ka ku lu lumeleza kueza cwalo. Mulimu a mu fuyole. Muuna hae wa ndume na yemanga fa katafa, ni ku lapelela bakuli, kufitela a shwa, kuya ka mo Ni zibela, musole wa luli wa sifapahano. Mi cwale Ni lika ku zwelapili kueza nto yeswana, ku fuyola sicaba se.

<sup>204</sup> Mi cwale Ni lapela kuli mañi ni mañi wa mina ataha kwanu . . . Ha mu lukeli kuipulela sika kaufela se mubata. Ha mu lukeli kubulela kaufela se si fosahalile ni mina. Mutahe fela mi ni to mi lapelela, mi mulumele.

<sup>205</sup> Kikuli mu lumela kuli Mulimu u ni lumile kueza se? Amu nanula mazoho a mina. Mwa hupula sene li bulezzi Lingeloi la Mulena? “Haiba u ka konisa sicaba ku ku lumela, ube ya sepahala ha u lapela, hakuna se si ka yema fapila tapelo.” Mi muziba kuli yeo ki niti. I pakilwe, ku kuta kutela.

Cwale Ni ka kupa kuli Kezela luna Rose, haiba akona, kuli alize, *Lumela Feela*, kamba, *Ñaka Yomutuna Cwale U Fakaufi*, kamba yeñwi fela.

<sup>206</sup> Ni bata kuli mañi ni mañi wa mina cwale mwa—mwa kopano hamoho nina. Kana ni mina, hape, mina sicaba ba basiyo mwa mukoloko wa tapelo, kikuli muka lapelela batu baa? Kihande, mu ba sepise cwalo, ka kunanula lizoho la hao, “Ni ka lapela, mwabona. Kaufela lu ka lapela.” Ku lukile. Eehe.

Ni tabela kuli mu eze, haiba muna ni kuzwa, myue ka kukuza cwale, ili kuli musike mwa lyanganisa halunze lu lapela.

Kana u lumela kuli ku ka fela cwale, kezeli? [Kezeli uli, “Ka pilu yaka kaufela.”—Mu.]

Mulimu Yomunde, Ni beya mazoho aka ku kezeli, ni swabisa butuku bwa mubili wa hae. Ka Libizo la Jesu Kreste, ha bu mu siye. Amen.

U fuyolwe, kezeli.

Wa lumela ka pilu ya hao kaufela? Libi za hao kaufela li bakezwi? Wena, kuya ka mo u zibela, u itukisize ku amuhela foliso ya hao?

<sup>207</sup> Mulimu Yomunde, Ni beya mazoho aka ku kezela ka, ka Libizo la Mwana Hao, Jesu Kreste, ni kukupa manyando a mubili wa hae afele, ka Libizo la Jesu. Amen.

Libi kaufela li bakezwi, mi u itukiselize foliso ya hao? Wa lumela, muzwale? [Muzwale uli, “Na lumela ka pilu yaka kaufela.”—Mu.]

<sup>208</sup> Mulimu Yomunde, Ni beya mazoho aka ku muzwale waka, sina ha lu ziba kuli U teñi mo, Mulena. Ni lapela kuli U mu folise, ka Libizo la Jesu Kreste. Amen.

Libi kaufela li bakezwi? Batili, ha u utwi. Wa lumela kuli uka utwa? [Kezeli uli, “Na lumela. Kono Ni bile shushu.”—Mu.] Wa lumela.

Musali ki shushu cwale. Lwa lapela fa.

<sup>209</sup> Mulimu Yomunde, Ni lapela kuli U folise kezela luna, mi zusa bu shushu bo ku yena. Uinzi mwa lifasi le li kwalilwe, mo kusina za utwa. Ni lapela kuli U alabe foliso ya hae, ka Libizo la Jesu.

<sup>210</sup> Ni ka kupa sicaba kuli mu inamise litoho za mina ona cwalo, fa muzuzu. Ni bata kubona se si ezahalile ku yena. Cwale, shangwe, ka Libizo la Jesu Kreste, kusike kwaba ni yomukana yaka inula toho ya hae kamba meeto. Cwale, ha mu lukeli kueza cwalo konji ha Ni mi bulelela.

<sup>211</sup> Kana wa ni utwa cwale? [Kezeli uli, “Zeñwi ha li utwahali.” Muzwale Branham ukambela mazoho hañwi. “Na ku utwa.”—Mu.] Wa ni utwa? [“Zeñwi.”] Wa utwa? Wakona ku utwa cwale. [Muzwale Branham wa kambela hape.] Mwabona? Wa utwa mulumo woo?

<sup>212</sup> Cwale u lumele ka pilu ya hao kaufela. U ka lumela? Mi ha u lumela, Mulimu uka ku folisa kufelelela. U ize. Ni lapezi fela ni kubeya mazoho aka kwa mazebe a hae, mi ubulezi kuli wa utwa zeñwi. Ku lukile, zwelapili fela cwale, unzo lumela kuli u ka utwa handende, mi uka utwa.

Kana libi kaufela li bakezwi, kezeli? [Kezeli uli, “Eeni.”—Mu.] U itukiselize foliso ya hao? [“Eeni.”]

<sup>213</sup> Mulimu Yomunde, Ni beya mazoho aka ku kezela ka, ka kuziba kuli ku luna hakuna nto yende, ka luna bañi. Kono lu ziba kuli lu Bakreste, baba pepilwe ka Moya wa Mulimu. Mi lu beya mazoho aluna ku kezela luna ni kukupa foliso ya hae, ka Libizo la Jesu Kreste. Amen.

<sup>214</sup> Cwale u lumela kuli uka foliswa? [Kezeli uli, “Kihande.”—Mu.] Ku lukile, cwale u—u folisizwe. Kona mwa kuezeza cwalo. Yeo ki niti. Kiniti.

<sup>215</sup> Libi kaufela li bakezwi? [Kezeli uli, “Eeni, sha.”—Mu.] Mi u itukiselize foliso ya hao? [“Eeni.”] U lumela, ka kubeya mazoho, kuli yena Mulimu Ya ziba lipilu za sicaba, uka ku folisa? [“Na lumela.”]

<sup>216</sup> Ndata luna yakwa Lihalimu, Ni lapela kuli U folise kezela luna, halunze lu beya mazoho a luna ku yena ni kukupa ka Libizo la Jesu Kreste kuli U mu folise. Amen.

<sup>217</sup> U ikutwa cwani? Eeni sha, wa ziba kuli Na ziba ze fosahalile ku wena. Kono ha Ni buleli fela cwalo; kakuli, wa ziba, lika—lika na lizwelapili fela kuya cwalo ni cwalo. Kono haiba uka ba cwalo... Kana libi kaufela li bakezwi? [Kezeli uli, “Eeni, sha.”—Mu.] Mi u lumela kuli Mulimu uka ku folisa? [“Eeni, sha.”] Kana wa lumela kuopa mwa lingongo... Ni bulezi kale cwalo.

Mulimu Yomunde, Ni lapela kuli U mu tuse mi u mu folise. Lumeleza cwalo, ka Libizo la Jesu.

Hauna kuba sihole. Zamaya, ulumele ka pilu ya hao kaufela.

<sup>218</sup> Kana u lumela kuli Mulimu uka ku folisa? [Kezeli uli, "Amen."—Mu.] Libi kaufela li bakezwi mi u itukiselize foliso ya hao? Wa lumela kuli mukokoto wa hao ukaba hande?

Ndate Yomunde yakwa Lihalimu, Ni lapela kuli U mu folise mi umueze abe hande. Ka Libizo la Jesu Kreste, ha kube cwalo. Amen.

Mulimu aku fuyole, kezeli. Zamaya, unzo lumela cwale.

Kana libi kaufela li bakezwi, kezeli, u itukiselize foliso ya hao?

Mulimu Yomunde, libi za hae, u bulela kuli, li bakezwi. Ni beya mazoho aka ku musali yo, ka Libizo la Jesu Kreste, ni kupa foliso ya hae. Amen.

<sup>219</sup> Kana libi kaufela li bakezwi? U lukela kuba hande, u kulile hahulu, u ziba cwalo. U ziba kuli Na ziba ze fosahalile ku wena. Mi kana u lumela kuli Mulimu uka ku folisa, afolise pilu ya hao ni kukueza hande ka kutala?

Mulimu Yomunde, Ni lapela kuli ka Libizo la Jesu Kreste, kuli U mu folise ni ku mueza hande. Mi se ha si mu siye, Ndate, ka Libizo la Jesu. Amen.

Mulimu aku fuyole cwale. Usike wa kakanya. Zamaya, u lumele.

Libi kaufela li bakezwi? U itukiselize foliso?

Ndate Yomunde yakwa Lihalimu, Ni beya mazoho aka ku kezela luna. Ka Libizo la Jesu Kreste, ha foliswe. Amen.

Usike wa kakanya. Zamaya, unzo lumela.

Libi kaufela li bakezwi, u itukiselize foliso?

<sup>220</sup> Ndate Yomunde yakwa Lihalimu, Ni lapela kuli U folise muzwale wa luna, u mu folise. Lumeleza cwalo, Ndate. Ni beya mazoho aka ku yena, ka mulelo woo, ka Libizo la Jesu Kreste. Amen.

Mulimu aku fuyole. Na lumela ka pilu yaka kaufela.

Kana wa lumela cwale, kezeli? Libi kaufela li bakezwi mi u itukiselize foliso?

Mulimu Yomunde, Ni beya mazoho aka ku kezeli, ka Libizo la Jesu Kreste, mi ha foliswe kwa kanya ya Hao. Amen.

<sup>221</sup> Cwale linako zeñata fela ona cwalo, neli fela kuswaliwa, sina Jesu hana ize, "Lisupo ze li ka ba latelela baba lumela. Ha ba ka beya mazoho a bona fa bakuli." Ni kalile ku lemuha, mwa mikopano, kuli kukala kubelekanga hande ka lipesenti ze fifite kufita mo kubelanga ha ubiza sicaba mwa mukoloko, kuba ni

temuhu, kakuli ukona kufita fela ku babalikani. Mi, neku le, kuna ni babañata baba foliswanga.

<sup>222</sup> Kana u ipulezi libi za hao kaufela ni ku sa lumela ni lika zeñwi? Wa lumela cwale kuli uka foliswa? [Kezeli uli, “Eeni, mi ni tamuluhile.”—Mu.]

Mulimu Yomunde, Ni lapela kuli U folise kezela luna hanze Ni swala mazoho a hae ni kukupa ka Libizo la Jesu Kreste kwa foliso ya hae. Amen.

Mulimu aku fuyole, kezeli.

Kana wa lumela cwale? [Kezeli uli, “Eeni.”—Mu.] Libi kaufela li bakezwi? [“Eeni.”]

Mulimu Yomunde, Ni beya mazoho aka ku kezela luna, ka Libizo la Jesu Kreste, kwa foliso ya hae. Amen.

Mulimu aku fuyole, kezeli.

Ku bonahala inge nto yenyinyani hahulu, kono ki Mulimu ya Na sepisize.

Libi li bakezwi?

Mulimu Yomunde, Ni lapela kuli U folise yoo kezela luna. Sina ha Ni beya mazoho ku yena ka Libizo la Jesu Kreste, cwale ha zamaye mi abe hande. Amen.

Libi li bakezwi?

Mulimu Yomunde, Ni lapela kuli U folise kezela luna, hanze Ni beya mazoho ku yena, ka Libizo la Jesu Kreste. Amen.

Cwale hamunze mutaha ni libelekiso, ha li nate fa mata, mi li ka beleka.

Libi li bakezwi? [Kezeli wa alaba—Mu.] U itukisize.

Mulimu Yomunde, Ni lapela kuli U mu folise ni ku mueza hande, ka Libizo la Jesu Kreste. Amen.

Mulimu aku fuyole, kezeli.

Libi kaufela li bakezwi? [Kezeli uli, “Lika kaufela.”—Mu.]

Mulimu Yomunde, sina musali yo ha ni talima mwa liito, Na lumela cwalo. Ni lapela kuli U mu folise, ka Libizo la Jesu.

<sup>223</sup> Wena u mu tisa fela, nji cwani, kezeli? U sweli fela ku mutisa? Ku lukile. Wa lumela, kezeli, kuli Mulimu uka kufolisa? [Kezeli uli, “Ni lumela kuli Mulimu wakona ku nifa kubona hape.”—Mu.] Mulimu aku fuyole.

<sup>224</sup> Ndate yakwa Lihalimu, Wena u ya sishemo kamita kwa libofu, ni ku ba batokwile. Cwale ba boni So ezize busihu boo. Kacwalo lwa lumela, Mulena, sisupo sesituna sa mafelelezo se si zamaya mwahala luna cwale. Ni kupa kuli meeto a musali wa sibofu yoo atahe ku yena, ka Libizo la Jesu Kreste. Amen.

Cwale, u lu zibise cwale. U zibahalise.

[Kezeli ubulela ni Muzwale Branham—Mu.] Oh, eeni, u lumela kuli Mulimu uka ku folisa? [“Haleluya!”]

Ndate Yomunde yakwa Lihalimu Ni beya mazoho aka ku kezela luna mi ni kupa kuli U mu folise, ka Libizo la Jesu Kreste. Amen.

Mulimu aku fuyole, kezeli. Uka lu zibisanga mo—mo u zuhelanga.

Kana wa lumela, kezeli? [Kezeli uli, “Eeni, Na lumela.”—Mu.]

O Ndate Yomunde wa Lihalimu, Ni lapelela kezela luna, ka kusepa kuli Uka mu folisa cwale. Ni beya mazoho aka ku yena, ka Libizo la Jesu Kreste.

Cwale u lumele. Yeo ki niti. Zamaya fela, unzo lumela.

Kana wa lumela, muzwale? [Muzwale uli, “Eeni.”—Mu.] Libi kaufela li bakezwi?

Mulimu Yomunde, Ni lapela kuli U folise muzwale wa luna mi abe hande, ka Libizo la Jesu Kreste. Amen.

Wa lumela, kezeli?

<sup>225</sup> O Mulimu, Ni lapela kuli, ka Libizo la Jesu Kreste, ka buikokobezo, mwa bunde ni kuishuwa kwa hola ye, mi Moya o Kenile ha u folise musali yo. [Kezeli uli, “Mi Na lapela, u lapelele mwana ka. Ha ni si ka mubona fa myaha ye mashumi amabeli.”—Mu.] Ni lapela kuli Mulimu alume mwana hao ku wena, kezeli, mulatiwa. Mulimu aku fuyole.

Ndate Yomunde, Ni lapelela kezela luna fa. Ka munati wa Moya o Kenile, mi cwale A tahe cwale ato folisa kezela luna, ka Libizo la Jesu. Amen.

U fuyolwe, kezeli.

Mulimu Yomunde, Ni lapelela muzwale waka, ha yema fa mi Ni mu beya mazoho, ni kukupela foliso ya hae, ka Libizo la Jesu.

Aku fuyole, muzwale waka. Ku lukile.

Mushimani yomunyinyani?

Mulimu Yomunde, ka kubeya mazoho ku mwana, Ni mu fuyola ka Libizo la Jesu Kreste, kwa foliso ya hae.

Wa lumela cwale, kezeli? [Kezeli uli, “Eeni.”—Mu.] U bata ku lapelelwia ni wena?

<sup>226</sup> Mulimu Yomunde, Na mu lapelela, hanze Ni mubeya mazoho. Cwale, ye kona tumo ya Hao, se kona so No bulez i kuli lueze, “Lisupo ze li ka ya ni baba lumela. Ha ba ka beya mazoho abona fahalimwa ba ba kula mi bao ba ka foliswa.” No bulez i cwalo, Mulena. Amen.

Cwale, Na bulez i cwalo, nji Cwani? Lina ni kuba ona cwalo, kezeli.

Mulimu Yomunde, Ni lapela kuli U folise kezela luna mi abe hande, ka Libizo la Jesu Kreste. Amen. Mulimu aku fuyole, kezeli.

U tile unzo lumela, kezeli?

<sup>227</sup> Ndate Yomunde yakwa Lihalimu, Ni kupela limbuyoti za Hao ku kezela luna, ka kuutwela fela so bulezi. No ize, "Lisupo ze likaya ni baba lumela. Ha ba ka beya mazoho a bona fa bakuli," No ize, "bao baka foliswa."

<sup>228</sup> Ni yemele fa pili fa nako nyana, kuli nibulele cwana, kuli sicaba si pumule fela hanyinyani, fa nako nyana fela. Muhanyezi yomuñwi naize, ku na, ha ku cwalo. Kono, mwa bona, Yena naize, "Lisupo ze li ka latelela."

<sup>229</sup> Mu utwile Liñusa laka fa *Muzeko*, kubeya Jesu mwa muzeko. Mwabona, Na bulelezi Nuwe kuli, "Ne ku ka nela pula." Ne isika nela ka myaha ye mwanda ni mashumi amabeli, kono ya to nela nihakulicwalo. Na bulelezi Abrahama kuli ukaba ni mwana ka Sarah. Neli myaha ye mashumi amabeli ka aketalizoho kasamulaho. Na si ka bulela nako. Na buleza kuli ne ba kaba ni mwana. Myaha ye mashumi amabeli ka aketalizoho kasamulaho, kwa ezhala. Mwabona, Na si ka bulela nako.

<sup>230</sup> Na ize, "Tapelo ya tumelo ika pilisa ya kula. Mulimu uka mu zusa. Ha ba ka beya mazoho ku ba bakula, bao ba ka foliswa." Kana kona sa Na bulezi seo? Na si ka bulela kuli ne ba ka tula fela ni kueza cwalo ona fani. Na ize, "Ba ka foliswa." Mwabona, yeo kona sepiso ya Hae. Zeo kona ze lu lumela.

Taha, kezeli. U lumela kuli yeo ki niti? [Kezeli uli, "Eeni, Na lumela."—Mu.] Konakuli hakuna mukwa wa ku ku hanisa ku foliswa.

Ni beya mazoho aka ku kezeli, ka Libizo la Jesu Kreste, kwa foliso ya hae. Amen.

Kana wa lumela, kezeli? [Kezeli uli, "Eeni."—Mu.] Libi kaufela li bakezwi, mi li uitukisize?

Mulimu Yomunde, Ni beya mazoho aka ku kezeli, ka ku utwela taelo ya Hao, ni kukupa foliso ya hae, ka Libizo la Jesu. Amen.

<sup>231</sup> Ni bata kuli mina baba lapelelwa, Ni bata kuli mu ni eze ka sishemo. Ni bata kuli mulemuhe, mikopano ye isika fela kale, se si ka ezhala; mi mu tuhele fela sicaba, batu babañwi, mubone se singa sibaka luli. Mwendi kamuso, zazi lelitatama, kamba nako yeñwi, mu talime fela se singa sibaka.

<sup>232</sup> Liñolo la ka libonisize kuli ki—ki zeñata hahulu ze shutana kufita fela kulituhelela kulika, balike tumelo yabona fela. Kakuli, Jesu naize, "Ha ba ka beya mazoho kubona. Ha ba ka beya mazoho kubona, ba ka foliswa." Cwale mu utwe sa Na bulezi. Na si ka bulela kuli ba ka tulaka-tulaka fa bulilo. Bakona kueza cwalo. Kono Na ize, "Ba ka foliswa." Kana seo kona sa Na

bulezi? Sani kona sa Na bulezi. Sani kona se Ni lumela. Mi Yena uteni mo cwale, yena ya Na bulezi Linzwi leo uteni mo ku li eza kuba cwalo.

Wa lumela, sha? [Muzwale uli, “Amen.”—Mu.]

Ndate Yomunde yakwa Lihalimu, ka buipuleli bwa tumelo ya hae ni kulumela, Ni beya mazoho aka ku yena, ka Libizo la Jesu Kreste, kwa foliso ya hae.

Mulimu Yomunde, Ni beya mazoho aka ku musali yo, ka Libizo la Jesu Kreste, kwa foliso ya hae. Ku lukile.

Ndate Yomunde, Ni beya mazoho aka ku musali yo, ka Libizo la Jesu Kreste, kwa foliso ya hae. No ize, “U ka foliswa.”

Uitukiselize foliso, kezeli?

Mulimu Yomunde, Ni beya mazoho aka ku yena, ka Libizo la Jesu Kreste, kuli U mu folise.

Ku lukile, kezeli, mulatiwa, lika kaufela li itukiselize foliso? Tumelo ya hao cwale i kopani, u lumela kuli ukaba hande?

<sup>233</sup> Mi, Mulimu, Ni beya mazoho aka ku yena, ka kuutwela taelo ya Hao, “Kwa lifasi kaufela, sibupiwa kaufela.” Ni beya mazoho ku yena, ka Libizo la Jesu, kwa foliso ya hae.

Mulimu Yomunde, Ni beya mazoho aka ku muzwale waka, ka Libizo la Jesu Kreste, kwa foliso ya hae.

Mulimu Yomunde, Ni beya mazoho aka ku kezela ka, ka Libizo la Jesu Kreste, kwa foliso ya hae.

[Hakuna manzwi fa tepu—Mu.] . . . ni ya mwa nzila. Ne ni sa lati ku mi katalisa. Ukaba hande haiba u ka lumela zeo cwale.

Mulimu Yomunde, Ni lapela kuli U folise kezela ka, ka Libizo la Jesu Kreste. Amen.

[Hakuna manzwi fa tepu—Mu.] . . . ka ku ni tusa kulapelela sicaba se.

<sup>234</sup> Cwale luna ni litaulo fa, ni zeñwi cwalo, mwahali mo, ze lukela ku lapelelwa. Mi Ni bata kuli muzwelepili kulapela nina cwale, cwale, limpo nyana ze, cwale. Ni ziba kuli se si utwahala bunca kuli sicaba si lapele nto yenyinyani sina cwana. Kono kambe ne mu ka taha fela mwa ofisi yaka, hañwi, mi mutualime fela. Haiba ne lu ka tisa bupaki hala lilimo ze kaufela, Ni sepa kuli halikoni kukwana kwapili kwanu, baba folisizwe ka kuluma fela masila a litapelo aa sina cwana, ma milioni abona, kai ni kai mwaha lifasi. Cwale, mwa ziba seo sili sona—seo sili sona?

Yomuñwi ange tauulo yeo ya—ya yomunyinyani yoo . . . Uka ziba tauulo ya hao, nji cwani, muzwale? Ku lukile.

<sup>235</sup> Mi Ni boni bana babanyinyani, ba lihole ha ba foliswa. Mi mu boni, seo sili sona, ki sibyana fela sa kutamahana ka zona, sina Oral Roberts ha na bulelanga cwalo. Ki sibyana fela sa kutamahana. Lwa lapela. Cwale, ha luezangi cwalo luna,

luezanga cwalo kakuli Bibele i lu laezi kueza cwalo. Kaufela lwa ziba kuli yeo ki niti.

<sup>236</sup> Cwale, kuna ni batu babañata baba tozanga litaulo, ni zeñwi cwalo. Kihande, cwale, lu nahana kuli zeo li lukile, luli, kono haiba fela lukona . . . Bibele ne i si ka bulela kuli ne ba “ba tozize” litaulo.

<sup>237</sup> “Kono ne ba ngile litaulo fa mubili wa Paulusi.” Cwale mwabona sene Ni bulela ka sona? Cwale, sene ba boni, ona mata afa bupilo ani anali ku Paulusi, kuli ne ba ziba kuli nali mutanga wa Mulimu. Neba ziba kuli Mulimu nali ku yena. Ne ba ziba kuli kaufela za na swela ne li fuyozwi. Ki babakai baba utwisisa seo? Muli, “Amen.” [Puteho ili, “Amen.”—Mu.]

<sup>238</sup> Mwa ziba, Ni sepa kuli Paulusi nali wa Mañolo luli ku sa na eza. Nji ha mu boni cwalo? Mu bata kuli ni mi bulelele fo Ni nahana kuli na bile ni mulelo wa kueza cwalo? [Yomuñwi uli, “Kuzwa ku Elisha.”—Mu.] Kuzwa ku Elisha, ki niti. Mwabona, Elia naize, “Nga mulamu wo mi uyo ulobaza ku mbututu.” Mi mupolofita alumalumamu kakuli na ziba kuli lika kaufela za na swela ne li fuyozwi. Na ziba mayemo a hae. Yena . . . haiba na ka nga fela musali kuli alumele nto yeswana.

Cwale mwabona, cwale, Bibele mane ne i si ka bulela kuli, “Ba ka lapelela bakuli.” I bulezi fela kuli, “Ba ka beya mazoho fa bakuli.”

<sup>239</sup> Cwale munahane fela, sicaba ne si boni, ku muapositola Pitrosi, Pata ya Mulimu ku bonahala ku muuna yo, kuli mane neba—neba lobaza batu mwa muluti wa hae, mi ba foliswa. Ki babakai baba ziba kuli zeo li mwa Mañolo? Zeo ni zona ki Mañolo fela sina Joani 3:16. Mwabona, Kaufela ki Linzwi la Mulimu. Cwale, sicaba, mwa ziba muluti wa muuna yani no sa folisi batu.

<sup>240</sup> Kono, mutualime, haiba mata a Mulimu nali fahalimwa mupolofita yani, ka myaha ni myaha kasamulaho amano shwa, kuli mane mutu ya shwile na ka nepelwa fa mubili wa hae, masapo a hae. Mubili ne u si yo mwateni mane; ki masapo a na liteni mwani. Mi Pata ya Mulimu ne ili fahalimwa masapo ani, kufitela muuna ya na shwile yani ataha kwa bupilo.

<sup>241</sup> Cwale kana ha mu zibi kuli yena Mulimu yaswana yani yana ezize lika zani kaufela uteni mo busihu cwana? Ku—ku na, Ni sepa kuli lu lukela kuba sicaba se si tabile hahulu mwa lifasi kaufela. Munahane fela ka zona.

<sup>242</sup> Ni—Ni sepa ha Ni si ka bonisa sicaba kunahana kuli ki Na ya eza zeo ka na muñi. Mu—mu ziba hande kufita zeo. Na, Ni muzwale wa mina, mwabona, mi Ni muzwale wa mina fela kihona.

<sup>243</sup> Kono Na ziba, Na ziba cwalo, kuli Mulimu uteni moo. Mi Ni ziba kuli U lu file nto yeñwi, ye lu sa koni ku tatulula, konji fela

ka Linzwi la Mulimu, ha lu bulela kuli lina ni kuba fa ka nako ye. Kacwalo, hape si lufa zibahazo ya kuziba kuli lupila mwa mazazi a maungulo. Si lufa zibahazo ya kuziba kuli sicaba se, baketwa baa, baba ketilwe, baba bizizwe, baba lemuhilwe kale . . .

<sup>244</sup> Cwale, leo ki linzwi lelituna, la *kulemuhiwa* kale, kono kaufela luna lwa ziba kuli ki niti. Kaniti lu ziba kuli yena Mulimu ya sa palelwi na lemuhile kale lika kaufela ka kuziba kwa makalelo ku si kaba kale mutomo wa lifasi, mane nihaiba Ngunyana ne i bulailwe; mi ni libizo kaufela le ne li kaba mwa Buka, ne li beilwe mwa Buka mane Buka isika ñolwa kale. Cwale ki ba bakai baba ziba kuli yeo ki niti?

<sup>245</sup> Mi Jesu natezi ku—ku to liulula bene bali mwa Buka. Mwa Bibebe, Ngunyana ne izwile kwa mulaho wa lisila, mi yanga Buka ni ku mamulula Maswayo ane I swailwe ka ona, kakuli Na tezi ku to nga kaufela za Na liuluzi. Yena ki Mukupeli cwale, Mukupeli yasweli ku kupepa bona Ba a liuluzi kale. Be mabizo a bona kaufela na ñozwi mwa Buka ya Bupilo ya Ngunyana, ki baba liuluzwi.

<sup>246</sup> Sina mo ne Ni bulelezi taba yebuhali busihu bobuñwi . . . Ni libelezi kuli . . . litaulo ze kaufela fa. Ha ni liki fela ku kutaza zateni hape, kono Ne niize kuli nekuna ni pulelo yenyinyani . . . Na sepa se ha si utwahali kuba kashwau, mwabona. Kono sina mulimi yana beile kuhu, mi nasina mai amañata, kacwalo a anga lii la mbande, mi a libeya fo ne ibubamezi kuhu mi ya ndondola mbande. Mi neli yesutana ye ipitezi luli mwahala likuhu kaufela, kakuli ne li sa boni lika zeswana. Kono yena kona za na boni fela, kuli ki kuhu. Ne i tilo utwa fela muhuwo ulimuñwi, o no si ka utwahala sina muhuwo wa hae. Kambe neba kuli ikone kueza muhuwo oswana sina wa nasikuku kamba likuhu. Na sa itumeli lico za bona, hane ba canga kuzwa kwa sishete. Ne kuna ni sene si shutana ka yena, ibo na sa zibi shutano kuli neli sikamañi.

<sup>247</sup> Mi cwale zazi leliñwi, nekuna ni mbande ya mushemi yene ziba kuli ne i na ni mai amañata hahulu. Mi nekuna ni yeñwi ya mai ani, yene lukela kuba mwana yona wa mushimani, yana tondahala. Kacwalo ya yo mu bata bata, mi ya mu fumana mwa patelo. Mi ya huwa. Mi imano huwa, mbande ya mwana ya ziba linzwi la maa yona. Sina Jesu hana ize, “Lingu za ka liziba Linzwi la Ka.”

<sup>248</sup> Na sepa, maabani busihu, hane Ni boni sikhata sa ba Baptist sani, Presbyterian, ni bao kaufela, hakulata ne ba hulezi mwa zamaiso ya kuhu. Mu ni swalele, muzwale, mwabona. Kono Me na ziba kuli Nana ni mulatiwa wa Hae kwani kokuñwi. Kacwalo he baana bani inge bayemi fani, kusina ku kanana ka mucelo o ne ba amuhela kwa kuhu ya mushemi, ni zeñwi cwalo, kono cwale ki limbande, mwa bona, za fufelanga lico zazona. Mwabona?

<sup>249</sup> Mi Ni sepa kuli keleke ki nto yeswana sina pono yene Ni boni ha ki kale hahulu, hane ni zwa kwa Tucson, kamba hane ni zwa kwa—kwa Phoenix, kuya kwa Tucson. Na bona pono ye ipitezi. Mi ya bilaeza pilu yaka, kubona sene si ezahalile, kuli...maankoli, yene fufanga mwa mbyumbiyulu, muzwale wa mbande, yeli mufuta wa keleke.

Mi Jehova ki yena Mbande. Na biza bapolofita ba Hae kuli “limbande.” U ipiza Iliyena, Jehova, “Mbande.”

<sup>250</sup> Kono haili maankoli ye i latehezwi ki siyemo sa yona, kakuli ha i sa kona ku fufa ka kulenda mwa mbyumbiyulu ni kusela lico za yona mo ne i selelanga sapili. Kono i ikinelanga fa mihala ya mawaile ni kueza inge linoňu. Ina—ina ni kuzuma tushakame to tushwile to limota li bulaire, mi yona ni manoňu lizwela teňi mi li yo ca hamoho. Itula sina linoňu, kufita kuzamaya mo i lukela kuzamaela. I latehezwi ki zibahazo ya hae.

<sup>251</sup> Mi Ni bulela cwana ka lilato la bumulimu kaufela ni likute, keleke i latehezwi ki zibahazo ya yona ya kuba inge mbande. I kinela fela. Kufita kuli ikate mwa Linzwi ni kufumana haiba litaba ze ki za niti, i libelela libuka za sikolo sa la Sunda ze pangilwe ki sikkwata sa baituti ba litaba kokuňwi, shakame yeňwi ye shwile yene bulailwe kokuňwi fela. I tula sina linoňu! Mulimu lu tuse kuli lufufe kuzwa ku zeo.

Lisepiso ze ki za niti. Isiňi sa bulezi mutu ka Zona, kono ki sa na bulezi Mulimu ka zona! Ki za niti. Ni tabile hahulu ka kuzibahala ni limbande.

Halu lapeleňi hamoho kulapelela bakuli ba luna.

<sup>252</sup> Ndate Yomunde yakwa Lihalimu, ku lutilwe mwa Bibebe kuli ne ba ngile fa mubili wa Paulusi, litaulo ni masila, mi madimona a zwa mwahala sicaba, ni mioya ye masila ya ba siya. Cwale, Ndate, na ya yemi fa litaulo ze, li yemela mutu kaufela yaliteni. Ki Mubili wa Kreste, luna hamoho. Lu bulela, ka sishemo ni lilato, kuli luteni mo ku to yemela Munyaliwa wa Hae, ni kulumela, kuba ni silikani ni Yena mwa Mubuso wa Hae. Mi lu ziba kuli ha ki luna bo Muhalalehi Paulusi, kono luziba kuli U sa li Jesu.

<sup>253</sup> Mi lu lapela kuli U kuteke tumelo ya sicaba se. Kambe ne ba pilile kwa mulaho mwa mazazi a Paulusi, neba ka utwa yona Evangelii yeswana ye, ni kubona lika zeswana ze. Kabakaleo, ki batu ba mufuta o swana. Wena u Mulimu ya swana. Kacwalo Na lapela, Mulimu Yomunde, kuli U kuteke tumelo ya bona, sina mo No ezelize ku bani mwa mazazi a Bibebe. Mi cwale mata a madimona kaufela, butuku bufi kaufela, makulano kaufela, a tamile sicaba seo litaulo ze ni limpo liyemela, nili mata a butukku bwa diabulosi ani azwe kubona.

<sup>254</sup> Ne ku bulezwi, nako yeňwi, kuli Isilaele na zamaya mwa sibaka sa musebezi, kuya kwa naha ya sepiso. Mi ona mwa sibaka sa musebezi, sila ataha ku to ba nata mwa lilulu, mi Liwate

Lelifubelu la ba pumela kuzwa mwa sibaka sa musebezi, ni ka muzamao wa bona. Mi Mulimu atalimafafasi kuzwa kwa lihalimu, ka Siita sa Mulilo, mi liwate la saba. La puta mandinda a lona kukuta mwa mulaho, kakuli mandinda a Mulimu nali mwatasi a liwate. Mi La kwalulela nzila bana ba Hae, inge ba zamaya mwa neku la kuutwela.

<sup>255</sup> Cwale, Mulimu, haiba Liwate Lelifubelu nelikona kusaba, ni kukuta mwa mulaho mandinda alona, kukutisa mezi alona mwa mulaho, ni kufa sibaka kwa bana bene bali fa musipili kuzamaya ka ku utwela; Mulimu Yomunde, busihu bo, talimafafasi ka Mali a Mwana Hao, Jesu, Yana file sepiso. Mi cwale litaulo ze ha li beiwa fa mibili ya bakuli sona sicaba, mi meto a Mulimu atalime, mi cwale butuku bwani, diabulosi yani, a sabe ni kuya kusili. Mi cwale sicaba si buluke musipili kuliba kwa Naha ya sepiso, ka buiketo ni mata. Sina Isilaele hana zamaya mwa lihalaupa, nekusina mutu neba alimuñwi ya fokola mwahala bona, kwa mafelelezo amañwi. Ha li fiwe kwa sicaba se, Ndate, kakuli lu luma litaulo ze, ka Libizo la Jesu Kreste. Amen.

<sup>256</sup> Mulimu ami fuyole, mañi ni mañi. Hamunze mu ba ni litaulo za mina cwale, mu lumele ka lipilu za mina kaufela. Kana mu lumela kuli Mulimu u utwa se? Mwabona? Ni—Ni bata kubulela cwana. Musike, musike mwa kakanya, ni hanyinyani. Mwabona, ikona ku bonahala bunca luli. Mu ni swalele, fa muzuzu fela. Musike mwa kakanya, neba hanyinyani. Kono mulumele cwale kuli, se lu kupile, Mulimu uta lufa sona.

<sup>257</sup> Kana mu lumela kuli yena Mulimu yali fa, u ziba likunutu za pilu ya mina? Mwa ziba ni kulumela kuli yani ki Mulimu? Cwale mulule fela munahano wa mina cwale, haikoni kuba nto isili fela. Mwabona?

<sup>258</sup> Cwale, kucwani haiba kwa kona kuba kamuso omutuna, myaha ya kwa mulaho kafoo se si kona kuba litaba za kale. Mi cwale sicaba, mwa lilimo ze sa taha, haiba ne ku kaba cwalo, neba ka taha ni kubulela kuli, “Kihande, kambe ne Ni ka pila nako yani, Ne ni ka bona sani ha si ezahala, mushimani, kona fela ze ne Ni lukela kuziba. Ne ni ka lumela ona fani!” Bona, taba yeswana yo lumela, haiba no kaba teñi kwani ha Na ieza nako yani! Hupula, isali Yena. Ki Bupilo bwa Hae ku wena. Mulimu ami fuyole.



*KUBONAHALISA LINZWI LA HAE* LOZ65-0426  
(Proving His Word)

Liñusa le ka Muzwale William Marrion Branham, neli katalizwe lwa pili mwa Sikuwa la Mubulo manzibwana, Lungu 26, 1965, mwa mukopano wa ba Full Gospel Business Men's Fellowship International ili fa Embassy Hotel mwa Los Angeles, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)